

सानसेयारि 'बड'सा' खौरांलाइयाव
अमजयारि जिज्जो लोब्बा थानाय रायथाय, अन्थाय,
अल', अल'बाथा आरो दावबायारि थावनि, पाके
बाइदिनि आयाव लिन्नाय लिन्निबां दैथाय हर/
सानसेयारि 'बड'सा' खौरांलाइया सेबअरानि
फोसावगोन।

बड'सायाव लिन्नायनि हुब्बा खालाम,
'बड'सा' खौरांलाइया, जो बयबो अंगो खालाम।

सानसेयारि बड'सा मावखुलि

माइबं नोगार, जोहोलाव दैमालु लामा

कक्राझार, बिटिस-783370

Website: www.bodosanewspaper.com



BODOSA ★ A Bodo News Daily ★ Monday ★ 2 November, 2020 Kokrajhar, BTC, Assam ★ Vol.- 30, Issue No. 216 ★ R.N.I.Regd.No.40994/91, AssamGovt.Regd.No.IPRD.40/2006/13, ★ Rs.8/-

एजेवाइसिपिनि
भवानीपुर दख'रा
आफादनि जथुमनाया
जोबलांबाय

भवानीपुर, 1 नभेम्बर: असम
जातीयतावादी युव सात्र
परिषदनि भवानीपुर दखरा
आफादनि 7 थि बोसोरारि
जथुम्माखो दिने साननि
हाबाफारिजो भवानीपुर
दख'रा गुदि फरायसालिआव
खु'फु'बाय। फु'नि समाव
भवानीपुर दख'रा आफादनि
(□ 5 बिलाइआव)

अनुसुसित जाति

फरायसा आफादनि

दख'रा आफाद दादों

कसुगाव, 1 नभेम्बर: दुलाराय
आसाम अनुसुसित जाति
फरायसा आफादनि कान्दानापा
दख'रा आफादखो दिने दाफुनाय
जायो। गसाइगाव महकुमानि 1
नं कान्दाना पाप गामिनि सुभाष
सरकारनि मासि सामलायनायव
दिने फु'नि 11.00 सिगायव खुनाय
(□ 5 बिलाइआव)

हटेल मेनेजमेन्टनि फरायसा पंकज
ब्रह्मनि सहखौ बोखानो हाबाय

कक्राझार, 1 नभेम्बर: बिमार्थनि
न'सिम आलासि जानो थानानै
गवनि न'सिम गिदिबोफिनासै
पंकज ब्रह्मआ। कक्राझारनि
दतमायाव थानाय बिमार्थनि
न'आव आलासि जानो थानाय
गवनि हटेल मेनेजमेन्टनि
फरायसा पंकज ब्रह्म (17) आ
हरखाबै दतमानि लड दैसायाव
गोमायो। बिमार्थनि नख'राआ जाथयनि बागै मिथिहोनाय बायदिब्ला
शनिबारखालि बेलासि समाव गामिनोनै सानै लोगोखौ लांफानानै पंकज
ब्रह्मआ लड दैसायाव दुगैनो थाडे। बेनि उनाव सानै लोगोया दुगैखानानै
दैसानिफ्राय बोरियाव फेफिनायनि उनावनो पंकजआ दैसायाव फिन
दैसायाव दुगैनो थांफिनो। नाथाय हरखाव दुगैनो थांफिनायावनो गबयो।
अदेबानि बे दैसायाव गबनानै पंकज ब्रह्मआ जिउनि जोबथा हां
बाहागोखौ फोजोबना लगोन बेखो रावबो सिमाखव सानाखेमोन। बे
जाथयखौ मिथिनो मोननाय लोगो-लोगोनो (□ 5 बिलाइआव)



शनितपुर जिल्लानि मुंदांखा आबादारि आरो सिफुं
दामगिरि फान्दुराम दैमारिआ हरखाबै रुंसारि जाबाय

बेकि याजुलि, 1 नभेम्बर:
शनितपुर जिल्ला दुलाराय बर'
फरायसा आफादनि सुबुं
फोनांजाब नेहाथारि जगदिश
दैमारिनि बिफा आरो बेकियाजुलि
ओन्सोलनि बयजोबो मिबथिसार
जानो हानाय मुंदांखा आबादारि
लोगोसे बाथो गौथुम आफादनि
सिफुं दामगिरि फान्दुराम दैमारिआ
प्रेसार स्टूक जानानै हरखाबै रुंसारि
जाबाय। बिथानि फान्दुराम दैमारिआ
साबै फिसाज्जला आरो सासे
फिसाजोजो लोगोसे गवनि
नख'रनि बाय-बाहागिफोरखौ
नागाल्लानै 74 बोसोर बैसोआव



बे संसारनिफ्राय अराय समनि
थाखाय आन्त्रायलांबाय। बिथानि
रुंसारि जानायाव दिने दुलाराय
बेकियाजुलि ओन्सोलनाडे मोनसे
दुखुनि साया साग्लोबदों। बिथानि
रुंसारि जानायखौ खौरां मोनानै
दुलाराय बर' फरायसा आफादनि

बोसोनगिरि कुसुम स्वर्गियारि,
शनितपुर जिल्ला बाथो गौथुम
आफादनि लेडाइ आफादगिरि
हरिचन्द्र बसुमतारि, फोसावदि
नेहाथारि बलराम बसुमतारि,
जिल्ला सोद्रोमा बुडेस्वर
(□ 5 बिलाइआव)

दिनेनिफ्राय जागायजेनबाय जतिन इसलारि-
गौतम राय गोसोखां फुटबल ट्रफी



बासुगाव, 1 नभेम्बर: बोसोरफोमबो फुटबल ट्रफी
ओन्सोलनि गागि गेलेगिरि, गागि
समाज सिबियारि रुंसारि जतिन
इसलारिनि गोसोखांथियाव

खुंभोनाय गेलेनायाव बे खेबआव
जोबथा देरहानाय हान्जाया
रुंसारि जतिन इसलारि गोसोखां
फुटबल ट्रफीखौ आजावनो
हानायनि अनगायैबो गेजेन
हान्जाया आजावनो हागोन
दुलाराय आसाम फरायसा
आफादनि बारग' दैदेनगिरि
रुंसारि गौतम राय गोसोखां
ट्रफीखौ। कक्राझार जिल्लानि
(□ 5 बिलाइआव)

बोसोनगिरि कुसुम स्वर्गियारि,
शनितपुर जिल्ला बाथो गौथुम
आफादनि लेडाइ आफादगिरि
हरिचन्द्र बसुमतारि, फोसावदि
नेहाथारि बलराम बसुमतारि,
जिल्ला सोद्रोमा बुडेस्वर
(□ 5 बिलाइआव)

बोसोरफोमबो फुटबल ट्रफी
बादायलायनायखौ खुं'बोदों।
सालाकाटि स्पर्टस प्रमटास
ससाइटनि बान्जायनायाव

बोसोरफोमबो फुटबल ट्रफी
बादायलायनायखौ खुं'बोदों।
सालाकाटि स्पर्टस प्रमटास
ससाइटनि बान्जायनायाव

बोसोरफोमबो फुटबल ट्रफी
बादायलायनायखौ खुं'बोदों।
सालाकाटि स्पर्टस प्रमटास
ससाइटनि बान्जायनायाव

बोसोरफोमबो फुटबल ट्रफी
बादायलायनायखौ खुं'बोदों।
सालाकाटि स्पर्टस प्रमटास
ससाइटनि बान्जायनायाव

बोसोरफोमबो फुटबल ट्रफी
बादायलायनायखौ खुं'बोदों।
सालाकाटि स्पर्टस प्रमटास
ससाइटनि बान्जायनायाव

बोसोरफोमबो फुटबल ट्रफी
बादायलायनायखौ खुं'बोदों।
सालाकाटि स्पर्टस प्रमटास
ससाइटनि बान्जायनायाव

गिबि मन्थि सनवालआ साहा बागान ओन्सोलाव गं 119 मडेल
गोजौ फरायसालि गायसन्नायनि बिथांखिखौ बेखेवबाय

कर्मसारि परिषदनि बारग' आफादगिरिनि बिहोमनि सायाव लाइसि बेखेवदों गिबि मन्थिआ

दिसपुर, 1 नभेम्बर: साहा
हरिसाफोर गेदेर असमीया समाज
दाफुनाय आरो राइज्योनि समाज
हरिसु जौगाखांहोनायाव गोनांथार
बिहोमा होबोदों। आसाम आरो
असमीया समाज जौगा होनायाव
गोनांथार बिहोमा होबोनाय साहा
हरिसाफोर समान जौगानायनि
मोन्थाय दड। दिने गिबि मन्थि
सर्वानन्द सनवालआ राइज्योनि
साहा बागानआव गं 119 मडेल
गोजौ फरायसालि फसंनारनि
अन्थाय खाम्फा गायसन्नाय
हाबाफारिखौ बेखेवना होनानै
बेबादि बाथ्राखौ बुंथियो। मख'नो
गोनांदि, शिबसागर जिल्लानि
नाजिरानि मेकिपुर साहा
बागानआव लुफुनो लानाय मडेल
गोजौ फरायसालि लुफुनाय
हाबाफारिखौ बेखेवना होनायजों



राइज्योआव मुवा-बेसादनि बेसेन बांनयखौ
जेबो हेंथा होयाखै हान्जा आफादफोरा

कलाइगाव, 1 नभेम्बर:
राइज्योआव दासान्दि मुवा-
बेसादफोरनि बेसेन बारायनाया
सरसन्सा सुबुंफोरखौ जिउ
खंनय बिथिखव गोबां जेना
गोनां खालामदों। बेबादि
थासारिआव बेसेन बांनयखौ
हान्जा आफादफोरा जेबो हेंथा
होयैआव सांघां नोगोरारिफोरा

खुद्विखानाय फोरमायदों। थंनय
मार्च दाननिफ्रायनो महामारि
कभिड-19 नि जाहोनआव
लकडाउन फोसावनायजों
आबादारिनिफ्राय लानानै गासै
थाखोनि सुबुंफोरनि गेजेराव गाज्रै
गोहोम गोलैनायजों बेनिखुइ
गोरिब थाखोनि सुबुंफोरानो
रुंखान्थिनि फासं दोबेनादों। नाथाय

राइज्योआव मुवा-बेसादफोरनि
बेसेन बारायनाया अर
जौब्लावनाय बादि जानायखौ
नुनानैब्लाबो हान्जा आफादफोरा
जेबो हेंथा होयैखौ सांघां
नोगोरारिफोरा खुद्विखानाय
फोरमायदों। मख'नो गोनांदि,
फेगौ बिटिसि परिषद आरो
(□ 5 बिलाइआव)

बाक्सयाव मुगानि आगदारि बानेस्वर
बसुमतारिनि 78 थि जोनोम सान फालिदों

बाक्सा, 1 नभेम्बर: सिगां
बोसोरफोराव फालिबोनाय बादि
मिरु दुलाराय बर' फरायसा
आफाद आरो बाक्सा जिल्ला
दुलाराय बर' फरायसा आफादनि
जुथाय बान्जायनायाव दिने 1
नभेम्बर रबिबारखालि जिल्लानि



सिडाव थानाय सिके दख'रा
एबसुनि बेन्दोखव थानाय लोखि
बाजारआव मुगानि आगदारि
बानेस्वर बसुमतारिनि 78 थि
जोनोम सानखौ मेहेरगोनाडे
फालिलाडे। मिरु एबसुनि गाहाय
नेहाथारि लरेन्स इसलारिनि मासि
(□ 5 बिलाइआव)

जे इ इ आन्जाद खेलेंखारिनि मास्टर
माइन्ड भार्गव डेकाखौ खाबाय

गुवाहाटी, 1 नभेम्बर: जाय
समाव बि जे पि दैदेनाय राइज्यो
सरकारा राइज्योआव गेना-
खान्थि उदां खुंथाय खुंनयनि
सुबुंफोरनि सिगाडाव बाथ्रा
बुंबाय थाबोदों बेनि गेजेरावनो
थंनय माखासे साननि गेजेराव
साखिआव थिसन्नाय गुबुन
गुबुन गिदिर खेलें-खारि आरो



गेना-खान्थिफोरा नुजाथिनायखौ
लानानै खुंथायनिमिस सांघां

दिथागिरि-समाज बिबाननि
सायाव सोलेंथायारि मेल खुंदों

बासुगाव, 1 नभेम्बर: कक्राझार
जिल्लानि गेजेराव सोलेंथाय
बिथिडाव गाहाय सारिआव
गोलैसोनाय लावदांगुरि गामिनि
दुर्गा मन्दिनि लांगोनायाव दिने
सोलेंथायनि बिथिडाव मोनसे
सांघांथि मेल खुंनय जायो। सा ललागाव, सेदामारि गामि सामलाय
आफादनि बान्जायनायाव खुंनय गथ'साफोरखौ साफा-साफा थार
नोगोरारि हिसाबै लानानै थंनयनि बिथिडाव बिमा-बिफा एबा दिथागिरि
आरो समाजनि बिफाव लानायनि सायाव खुंनय सोलेंथायारि मेलआव
आलासि महरे बाहागो लानानै बिबुंथि लाखियो सर्व शिक्षा अभियान
मिसनि कक्राझार जिल्ला बिबानगिरि जाहोंगर हुसेइनआ। गवनि
बिबुंथियाव बिमाया जादों गथ'साफोरनि गिबि सोलेंथायगिरि, बिफाफोरा
नैथि, समाजआ थामथि आरो फरायसालिआ ब्रैथि होनानै रायखंन
बुडोदि, साफ्रोमबो गथ'साफोरनि (□ 5 बिलाइआव)



कक्राझार, 1 नभेम्बर: कक्राझार
जिल्लानि सिडाव थानाय
भटावआव थिसनजानाय 129 थि
सिआरिपिएफ सांथि हान्जाया
गेदेमा सरदार भल्लबभाइ
पाटलनि जोनोम सानजें लोब्बा
लाखिनानै माहारियारि खौसेथि सान
फालिदों। बे माहारियारि खौसेथि
सान फालिनाय हाबाफारिआव
सिआरिपिएफ सांथि हान्जाया
मोनसे पेरेड दिन्थिफुनाय बान्जायो।
बे हाबाफारिआव बाहागो लानाय
129 थि सिआरिपिएफनि कमान्डेट
गुलाब सिंहा हारद आरो माहारिनि

बिटिसि बिसायख 'थिनि
थाखाय बिजेपि दोलोआ 500
मेल खुंनो थांखि लादों

तामुलपुर, 1 नभेम्बर:
तामुलपुरआव राइज्योयारि बिजेपि
दोलोनि आफादगिरि रजित कुमार
दासनि बिटिसि बिसायख 'थिनि
थाखाय दोलोनि गोखों साखा-फार
जानायनि सायाव हाबाफारि
आजावनानै लादों। मिबथिनाय
बादिब्ला, बाक्सा जिल्लानिफ्राय बिजेपिनि बिसायख 'थि फोसावदिनाय
हाबाफारिआ मैखोमै जागायजेनगोन। बिटिसि बिसायख 'थि खुंनोनि
सिगांनो गुबुन गुबुन ओन्सोलाव गासै 500 मेल-मिटि आरो फोसावदिनाय
हाबाफारि खुंनो थांखि लादों। तामुलपुर महकुमानि सिडाव थानाय 28 नं
गयबारि परिषद बियाबनिफ्राय बिसायख 'थि फोसावदिनाय हाबाफारिखौ
जागायजेदों होनानै फोसावना होदों प्रदेश आफादगिरि रजित दासआ।
दिने 1 नभेम्बरखालि मोनाबिलि समाव 28 नं गयबारि आरो 26 नं
दरडुजलि बियावआव दोलोनि (□ 5 बिलाइआव)



बि टि सिनिफ्राय गामि दानख 'नो
हाग्रामाया सोर, बेनि सायाव
कमिसनआसो थांखि लागोन: रेनगोरा

चिरां, 1 नभेम्बर: बिटिसिनिफ्राय
गामि दानख 'नो हाग्रामाया सोर,
सोर मोन्थाय होदों हाग्रामानो।
हाग्रामाया बिटिसिनि जेबो
गाहाय बिबानगिरि नड। गामि
दानख 'नायनि सायाव थांखि
लानायनि गोहोआ सरकारजों
दाफुजानाय कमिसननि सायावसो
दड। गामि दानख 'जागोन ना जाया
बेनि सायाव थांखि लागोन
कमिसनआसो। बेबादि गोखों



बाथ्राखौ बुंथिदों इउपिपिएल
दोलोनि लेडाइ आफादगिरि आरो
15 नं काजलगाव परिषद
बियाबनि इउपिपिएल दोलोनि
बिजाथि रेनगोरा नाजिरिआ। दिने
चिराडव इउपिपिएल दोलोआ

जिल्लानि 15 नं काजलगाव
परिषद बियाबनि सिडाव
सोलायनाय हान्जा सुरनो
बियाबनि इउपिपिएल दोलोनि
बिजाथि रेनगोरा नाजिरिआ। दिने
चिराडव इउपिपिएल दोलोआ

1 नभेम्बरनिफ्राय मोनसेल नम्बरजों
बाहायगिरिफोरा गेस सिलेन्डार
बुकिं खालामनो हागोन

गोदान दिल्ली, 1
नभेम्बर: पेट्रोलियम एन्ड
नेचुरेल गेस मावख'आ
सरकारि गेस कम्पानि इन्डेन
गेसनि बाहायगिरिफोरनि
थाखाय दिनेनिफ्राय मोनसे
गोदान सिबिथायखौ
जागायजेदों। बे सिबिथायनि
गेजेरजों मावख'आ इन्डेन
बाहायगिरिफोरनि थाखाय गोदान नम्बर
7718955555 खौ फोसावदों। 1 नभेम्बरनिफ्राय हादतनाडेन इन्डेन
बाहायगिरिआ बे नम्बरनि गेजेरजोंनो गेस सिलेन्डारनि बुकिंखौ
खालामनो हागोन। बे नम्बर सायाव गेस सिलेन्डार बुकिंनि सुबिदाखौ
24x7 मोननो हागोन। मावख 'नि बादिब्ला गेस सिलेन्डारनि बुकिंनि
थाखाय टेलिकम साकिनि हिसाबै आलादा आलादा नम्बर दमोन।
नाथाय आथिखालाव बे नम्बरफोरखौ बन्द खालामनानै हादतनि
थाखाय मोनसेल नम्बरखौ गनायथि होनाय जाबाय। आथिखालाव
हादत नाडेन इन्डेन बाहायगिरिया (□ 5 बिलाइआव)



कक्राझारनि भटावआव माहारियारि खौसेथि सान फालिदों

कक्राझार, 1 नभेम्बर: कक्राझार
जिल्लानि सिडाव थानाय
भटावआव थिसनजानाय 129 थि
सिआरिपिएफ सांथि हान्जाया
गेदेमा सरदार भल्लबभाइ
पाटलनि जोनोम सानजें लोब्बा
लाखिनानै माहारियारि खौसेथि सान
फालिदों। बे माहारियारि खौसेथि
सान फालिनाय हाबाफारिआव
सिआरिपिएफ सांथि हान्जाया
मोनसे पेरेड दिन्थिफुनाय बान्जायो।
बे हाबाफारिआव बाहागो लानाय
129 थि सिआरिपिएफनि कमान्डेट
गुलाब सिंहा हारद आरो माहारिनि



गेजेराव खौसेथिनि बान्दोखौ
गोखोडे लाखिनायाव खौसेथि
खामनि मावनो थाखाय साफ्रोमबो
सान्थिफोरखौ समायखि लाहोयो।
बे हाबाफारिआवनो लेडाइ

कमान्डेट राजनिम कुमार पाठक,
रकेश कुमार देहरिया, आरके
आरो जिडि दुर्गा प्रताप सिंमोनजों
लोगोसे गोवां सान्थिफोरा बाहागो
(□ 5 बिलाइआव)

सुजुगिरिनि खोलोम

ना-हांसो-दाव फिसिनानै गोबां रां खामायनो हायो, एफा-एनै रां फैनयाबो सैथो

आबादयानो बर'फोरनि थाना थानायनि गिबि आरो गुदि फुंखा। आबादिन अनगा सादा-बुसा मावदामब्लाग्रा गामियारि बर'फ्रा गुबुन माबा मोनसे मुलाम्फायारि गोनां खामानि दामानि मानवानै रांखांथियारि बिथा फसथानो आरो आबादखौनो गुबै राहा हिसाबै लायोब्लाबो गोनोंखोयारि आदोबजौं आवगायनो हाद्रायारखै। अब्लाबो बुंनंगोन बर'फ्राबो आधिकालाव-फालांगिरि, मोजां आबादारि दसै। फालांगिरिफोरनि बांध्राखौं राखाडबालानो मिथिंगायारि फुंखानिफ्राय मोन्याय माखासे खाबु आरो देहानि बोलो बाहायनानै मावसोमनायनि गेजेरजौं गामियारि रांखांथिखौबो गुस्लायनाय लोबोनो हासै। मुलाम्फायारि जानो राहा दसै। बेफोरनि गेजेराव ना आरो हांसो-दाव फिसिनायाबो मोनसे। गुबैयै ना आरो हांसो-दाव फिसिनायनि मोजां समानो जादौं दैज्जां बोथोर। दैज्जां बोथोर सौंफेब्लानो गामि ओसोलनि गोबां हाखर-हाला, गरखाय-दंगफ्रा अखानि दैजौं दानब्रै-दानबासिम आबुं लोमनानै थायो। बेफोर एरैनो गोरलैसोनानै थानाय हाखर-हालाफ्राव समबाय हिसाबै एबा गावयारि हिसाबै बोथोरानो ना फिसिनो हागौं। ना-जौं लोगोसे जावजा आबाद हिसाबै हांसो फालोबो फिसिनायनि राहा खालामनो हायोब्ला रांखांथियारि फुंखाखौं एसे एनै बांहाोनयनि मिजिं खालामनो हागौं। दैज्जां बोथोर थि वेंखनथायनि गेजेराव दोनानै हांसो फिसिनो लायोब्ला दैयाव थाल्दानाय-साम'-खांखाइ, गुमा, बायदिसिना एम्फो-एनलाफोरखौनो गोजोम-गोजोम जानानै थानो मोजां मोनो हांसोया। जाडनाव गोबां आदारनि गोनांथि जाया। बिबिनो हाखर-हालानि फोसावम्राडे हाग्रा-ब्रंग्रा, दाखोर-दालाफ्राबो ना फिसिनायाव गोबां मदत खालामो। नानि थाखाय फोसाबै हाखर, गरखायफ्राव गोबां आदार नांगौं जानानै फैया। मानो होनोब्ला बेफोरव नानि थाखाय गोबां आदार ज' जानानै थाखायो। बेखायनो बेफोरखौं सिगां नोजोर थिग्रोनानै मोजां आरो गोमो जोलैनि ना फुजान आरो हांसो जोलै ज' गायनानै फिसिनायनि बे गोलै राहाजौं बाडइ खरसा आरो बाडइ समनि गेजेरावनो गरफा-गरनै खामायनायनि लामा ओंखारो। गोलै दिखुग हांसो फिसानि थाखाय ना फिसिनाय बादिनो सोरगिदि जेवरनि गेजेराव सम सम आरो बाइजोयावबो सम लानानै हागरलाय-थिसनलाय खालामना होनायनि राहा लायोब्ला गोखै देनो बोलो मोनो। आधिकाल ना-बेदरनि साहिदा बांनया आरो बारायग्लानया बेसेनखौं नोजोर होनानै ना-हांसो फिसिनायजौबो रांखांथियारि बिथिडे-गोखौं जानो हायैनि बांध्रा फैया। नाथाय बेफोर आबादजौं गोबां मुलाम्फ्रा जायैआ सैथो, नाथाय बेफोरफोरनि थाखाय साखि-बाखि जासादि आखायनि खरसा फैनयाबो सैथो।

आधिखालाव रोजा-रोजा बेकारफोरखौं सरकारी मावफरिया थिसनानै जेनाखौं सुपुंनंगोया गोत्राव होनानै हुदरखानाय। बे बिथिडे सरकारी मावफरियाखौल' नेनानै थारुलायसाय बाडइ सम आरो एसेल' खरसाजौं गोलेँ गोलेँ बिथांखि लानानै रां खामायनायनि राहा लानानै सरकारी अनसुथाय मोन्यायनिबो सरकारी मावफरिया, बिबानगिरिफोरजौं सोमोन्दो लाखिनाया गोनांसै।

दिनैनि फानजामुथि

राशि बाइदियै मुनि गिबि हांखो

मेष : अ ल वृष : ऊ ब (उ ए इ) मिथुन : क छ (ङ ष) कर्कट : ड ह सिंह : म ट कन्या : प ठ (ण ष) तुला : त र बृश्चक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ज झ)

मेष: वेपार-फालांगि मावयोब्ला मुलाम्फा मोनो हागौं। फालांगि थाखाय मोजां सम।

वृष: माबा मोनसे मोन्यायनि आसा दं। गोसोखौं गोजोन्नाय मोनगोन। फारफ्रोमथिबो मोजां।

मिथुन: जेखि मावा मानो रांखावरि मुलाम्फा आरजिनो हागोन। गोसोखौं गोजोन मोनगोन।

कर्कट: मोजां हाबा मावनायनि थाखाय बयजौबो सन्मान होगोन। गोसोखौं गोजोन मोनगोन।

सिंह: नख'रनि मोजां हाबा मावनानै लानो हागोन। गोसोखौं गोजोन मोनगोन। गोथार सान।

कन्या: मिजिंथिनयाफ्रा फेलै थानो हागौं। गोसो बायनो नाड। धैय्य हमनानै थानाया मोजां।

तुला: नख'रनि जेनाखौं लानानै गोजोन्नाय गैयै मोनो हागौं। मावनाय-दानायाव गोसो जनय नड।

बृश्चक: गोसोनि सान्याफ्रा जाफुसारागोन सान्थियै दिनखौं बारहोनो हागोन। मोजां सान।

धनु: बायदिसिना बेरामाव गोरलैबायनो हागौं। देहाखौं सांग्राडे लाखिनाया मोजां।

मकर: नख'रनि सुबुंजौं अनलायनाया बांगोन। रंजा-खुसियै दिनखौं बारहोनो हागोन। मोजां दिन।

कुम्भ: मोजां मोनलायनायनि बान्दोआ गोरा जालानो हागौं। गोसोखौं गोजोन मोनगोन। फारफ्रोमथिबो मोजां।

मीन: माखौबा लानानै बिसि-फिसायनि गेजेराव दावराव-दावसि सोमजिलायनो हागौं। धैय्य हमनाया मोजां।

ज्यति प्रसाद आगरवाला-मुलुग दांखा खन्थायगिरि

ज्ञानेन्द्र बसुमतारी

रुपकोवैर ज्योति प्रसाद आगरवालाया सासे रनसाय लिरगिरि, लाइजाम लिरगिरि, मेथाय लिरगिरि आरो असमीया हारिमुनि दैदेनगिरिल' नडमोन नाथाय बिथाड सासे गोजौ थाखोन मुंदांखा खन्थाय लिरगिरिबोमोन। सरासनस्रा बिथांखौं मेथाय थुन फावथाय लिरगिरि बादिल' नुयोमोनब्लाबो। नाथाय सिं सिं विथांनि खन्थायनि फार्से नाजानाय एबा दावगानाया गोबां गुवारमोन। मेथाय, थुन-फावथायनि बेलायाव गोबां जीगानायजौं लोगोसे बिथाड गोसो गोबांआव सासे गोजौ थाखोन खन्थायगिरिमोन। बिथांनि रंग'थिखौं गावनिनो माखासे सोर्जिनाय मेथाय थुन-फावथायफोरखौं नायोब्लाबो हमनो हायो।

बिथांनि दायल'ग आरिफोरखौं नायोब्ला थुन-फावथायनि महरखौनो सोलायनाय नुनो मोनोगोन। गासिबो सोर्जिथायाववो एसेयैब्लाबो खन्थायनि सानस्रिया हाबनानै थानाय नुनो मोनो। बिथांनि थुन फावथाय रुपालिमखौं नायोब्ला बेफोर बांध्राखौं रोखा हमनो हायो। बिथांनि गासिबो सोर्जिनायानो बांसिन खन्थाय आरो मेथाय सान्नि थानायजोब। मायाब', रुपालिम आरो मनिमुगधा मोनबादि मोजां मोजां सोर्जिथायफोरखौं नायोब्ला विथांनि गुबै महरखौं नुनो

मोनो।

बे बांध्राया थारदि, ज्योति प्रसादिन सोर्जिनाय गासिबो थुनफावथायफ्रा खन्थायनि गोखौं गोहोम थानाय नाथाय बिथांनि खन्थायनि लिरनाय एबा सोर्जिनाय एसेल' बिबानि। बिथांनि खन्थायनि अन्जिमाया एसेल' नाथाय बेफोरनि मानआ गोजौ थाखोन। बिथांनि गोबां खन्थायफ्रा समायना आरो साबसिन हामासिननि बेलायाव गोजौ जायगा आवग्रिनो हादौं। बिथांनि माखासे मुंदांखा खन्थायफ्रा जादौं-। कान्सनजंघार बुरन्जी, सुन्दर'र जय जात्रा, लाचित्र आहबान, कनकलता, असमीया डेकार उक्ति। ज्योति संखा, पोहर'र गान चौरा बिद्रोही, जनतार आहबान। महासुद्र, नो-जवानए-हिंद बाइदि बाइदि। बिथांनि सोर्जिनाय माखासे गथ'फोरनि मुडै-खन्थायफोराबो दिदँसिम गोजोर जानानै दड।

बिथांनि खन्थायनि गोखौं सानस्रि थानाय महारनो बिथांखौं बे मुलुगाव सासे मुंदांखा खन्थायगिरि महरै गोसो खांजानाय खालामनो हादौं होनानै जौं बुंनो हायो। बिथांहा माखासे थोखि दडमोन बेफोर जादौं-असमीया गामीयारीखौं मोजां मोन्याय, माहारियारी आरो मुलुगनां बिदा फंबाय, सानलायनाय, खोमसि फोथानायनि हेंथायै गोखैडे गसंनो लुबैनाय, इनदिभिजुयेल मोन्थायनि सायाव गुवारै नायबिजिनानै बिन अंगुबै नाथिखौं संदानो गोसो जानाय,

हारिमु, आरो समाजखौं मान होनानै गोसो गोथारै सिबिनाय, गोजाम हारिमुआरौ फोथानायखौं गोदान मुगाजौं गोरौबनानै थानो राहा खालामनाय, मानसि हारिनि सायाव मोजां मोनलायनाय फेहेरनाय, आइन बेरेखा एबा खान्थि बेरेखा हाबा मावनायनि हेंथायै गोखौं राहा लानाय, आरो गोदान मुगाजौं गोरौबनानै दावगालांनो हानायबादि बयखौबो रोखा राखा खालामनो थाखाय नांगोबादि राहा लानाय आरो गोबां। मख'जाथावदि गावनि हालामाव बिथाड माब्लाबाबो र'मान्दिक पयेटिक ट्रेडिसन'खौं जायगा लानो खाबु होयाखै मोन। गोबां खन्थायगिरिफोरा नाथाय बेफोरबादि ट्रेडिसनखौं लोब्ला लाखिनानै खामानि मावनाय नुनो मोनो। र'मान्दिकनिफ्राय ओंखारनानै बिथाड बांसिन 'मेटारलिस्टिक' सानस्रिखौंसो गावनि खन्थायफ्राव बांसिन जायगा होबोदौं। बिथाड बांसिन नुंगुबै जीव खौरां एबा थार हाबाफारिनि सायावसो खन्थाय लिरहोंमोन। बेनि हेफाजाबाव साधारन सुबुंफ्राबो जेबो हेंथा होनो एबा अजद देखानो हाया जायो। बिसोरनि थार जीवनि हाबाफारिफोरजौं गोरौबफेलेनायखौं नुनो मोनो। बिथांनि खन्थायफ्रा सरसनस्रा सुबुंनि गांनाय, उखैनाय, मिनिनाय, रंजनाय दुखु जानाय, खरस्ट सहायनाय, जिरायनाय बाइदि बाइदि हाबाफोरजौं गोरौबनाय नुनो मोनो। बिनि जाहोनाव बिथाड गावनि

खन्थायनि गेजेरजौं एबा गुबुन थुनलायारी सोर्जिथायजौं बयखौबो दावगालु सान्नि आरो जांखिखांसुला सानथौजौं थुलुंगा होनो हाबोदौं

मख'जाथावदि ज्योति प्रसाद आगरवालानि गेदेमा जीव खौरांआ जागायजेन्दोंमोन आसामनि तेजपुर सहराव। असमीया हारिजौं साग्लोबनानै थानाय, जांरिमिनारी मुंदांखा नैसोनजौं बुंफबनाय, बे समायना तेजपुर सहराव बिथांनि जोनोमा जादोंमोन जोनोम जानायनि उननिफ्रायनो बिथाड असमीया फोलेरनि गेजेराव थानानै बिसोरनि राव-हारिमु आसार-खान्थिनि गेजेराव देरदोंमोन। तामोलबारी साहा बागान होन्याय जायगायाव 1903 माइथायनि 17 जुनाव बिथाड जोनोम मोन्दोंमोन। बिथाड परमानन्द आगरवाला आरो किरनमयी मोननि फिसाज्जामोन। बिथांनि सोलौंथाया गाहायै डिबुगड आरो तेजपुर मोननै सहरावको जादोंमोन। नाथाय उनाव बिथाड कलिकाटानि जातीय बिद्यालयावबो फरायहैदोंमोन। बिन अनगायैबो नेशनल कलेज आरो एडिनबरा इडिनभारसिटियावबो सोलौंथाय लाहैदोंमोन बिथाड। जेब्ला भारत हादरनाडैनो ब्रिटिसनि गादबनायनिफ्राय उदां जानो थाखाय उदांश्री दावहानि गुदु बार बारगासिनो दडमोन बे समावनो बिथांनि गोसोआबो थुलुंगाखांदोंमोन ब्रिटिसनि हेंथायै दावहा नांनो। बिथाड गोबां असमीया सें'ग

सिख्लाफोरखौं गावनि बान गोनां बिबुथि आरो नाजानायजौं उदांसी दावहायाव बारसोमनायनि थाखाय थुलुंगा होनो हादोंमोन। बिथाड बे खामानिखौं मावनो थानायाव जोबथेसांलियाव जोबजानोबो गोनां जादोंमोन। बिथांजौं लोगोसे गोबां असमीया दावहार सेंग्रा सिख्लाफ्राबो उदां जानो हास्थानानै ब्रिटिसफोरखौं राइजोनिक्राय होखारहरनानै उदांश्री लोबोनो होनानै ब्रिटिसनि हेंथायै जुजिनो जान्जि खफ्रादोंमोन। असमीया हारिनि हारिमु जौगाहोनायाव बिथांनि होलांनया गोहोमा गोबां। हारिमु जौगाहोनायनि बेलायाव बिथाड असमीया थुनफावथाया सोर्जिनानै गोबां अबदान गालांदौं। सिगां असमीया फिल्म जयमतीखौं बिथाडानो सोर्जिदोंमोन। बिन उनाव बिथाड सोर्जिदोंमोन इन्द्रमालतीखौं। थुन फावथायनि मादाव दड-सोनि कूँवरी, कारेडर लिगिरि, रुपालीम, लभिता, निमाती कन्या, सोन पखिल बाइदि बाइदि।

असमीया रावनि संगीत खन्थाय, सल' उन्दैफोरनि खन्थाय, उन्दैफोरनि रायथाय बाइदि बाइदि थिलियाव एबा आयदायाव बिथांनि अबदानफ्रा गोबां जानायलाय बिथाड असमीया जातिनि सासे गेदेमा सुबुल' नडा बयजौंबो सिबिजानाय मान होजानाय, अनजानाय सासे गोजौ थाखोन असमीया थुनलाइगिरि जानानै थानो हाबाय। गेदेमा जीउआ बयखौबो मेगनाव मोदे ग होनानै

1951 माइथायनि 17 जानुवारीयाव बे संसारनिफ्राय आनत्रायलांदोंमोन। थैनाय समाव बिथाड बिसि देवजानीजौं लोगोसे सानै फिसाज्जा चिन्मय आगरवाला आरो रंसायी बिसेन्दु आगरवाला आरो साबा फिसाजो फारियै जयस्री चलिहा ज्ञानश्री पाठक, सत्यश्री दास, हेमश्री चलिहा आरो मनश्री हाजरिका मोनखौं नागारलांदोंमोन।

जिखि जादोआ बिथांनि सान्ध्रहायै गालांनया बिहोमाफ्रानो असमीया फोलेरनि जौगौनाय गोबां हेफाजाव होबोदौं बुंजायो। बिथांनि खन्थायनि ख'बाम एबा स्टाइलफोरखौं नायोब्ला बिथांखौं सासे 'इडनिभासैल पयेट' बुजेब्ला बारा बुंनया जानाय नडा। बिथाड बे बुहु मखौनो गावनि सानबोलावरीजौं महर होनो नाजादोंमोन। बिथांनि बांसिन खन्थायफ्रावको मुलुगनां थासारौनि गोनां गोनां सानबोलावरीफोरखौं सनदेरफानाय नुनो मोनो। बिथांनि गुबै जीवनि थांखिआनो- "सिं फर वेलफेरय अफ मेनकाइन्ड" मोन आरो बे थांखिखौं लानानैबो बिथाड सुबुं माहारीनि थाखाय थोजासे खामानि मावनानै गालांदौं आरो बिथांनि गासिबो मावनायफ्रानो बयजौंबो आदर खालामजादौं। बिथांनि बेफोरबादि आखुथायनि थाखायनो बिथाड असमीया हारिनि जौसिन थाखोन मान मोनो हादौं आरो सासे गेदेमा महरै आगान गालांनो हादोंमोन।

सुंद'सल' तेमना मुसाहारि

हेल' तेमना

ए बाजै तेमनाया न'आव दना गैया, तेमना बिबाजैआ लामानि लोंगोनायाव थानानै गुरै रावजौं फिन हरो ए माथौं, नमिट मोनसोलाइ फै तेमनाया न'आवनो दं न'आवनो माबोरै सानसे गाहाम जनानै थानो हायोब्रा जौंखौलाइ माथो दसे जनानै थानो हायै, नॉनि मासिआवनो एम्फौं दड-खोमालै अरदावबाय थायो। थोद जामबालाइ। नॉसोर मा तेमना बांसिन न' सिंनिफ्राय ओंखार बायो आरो नमिट आरो बुन्दुरामखौं गावनि रुमाव लानानै थाडो। दसेनि उनाव तेमना बिबाजैआ साहा लानानै रुमाव हाबफैयो आरो बुडे। नमिट माथो दासो दिनेसो नडलै बाजै तेमना बिबानैआ बुडे माबाफोर खौरां दड नामा? नमिट फिन बुंफिनो माबालै बाजै गाबोननिफ्राय तितउसन दड कक्राझार नाराबारि हिन्जावसा गोजौ फरायसालियाव बेखौनो खौरां होनो फैदौं। मानि? बिगियान खौरानिलै बाजै। दे बिदिब्ला रायज्जाय आंहा गोबां खामानि दड; बिदि बुंनानै तेमना बिबाजैआ ओंखार लाडे। तेमना नमिट आरो बुन्दुराम मोनहा मोनसे थाखोनिनो फरायसा बिसोर साथामबो कक्राझार हायार सेकेण्डारी स्कुलाव जि थाखोआव फरायो। साथामबो खि एरख'लायग्रा लोगो बिसोर फरायनायाव, मिथिं दारवथिं

मानै सिखि, बारसे बिबार

जेरावबो ज'ज' गिदिडो। फरायसा हि साबै बिसोरौ जेरावबो बाहागो लायो बिनिखायनो साहसआबो गोर। साथामबो बिसोर फरायनायनि सोमोन्दै बांध्रा रायज्जायो बिनि उनाव तेमनाया नमिटनाव सोडे फरायसाफोरलाय साबसे जाखो ना जौं साथामबो 'जौल' नडलै हिन्जावसाफोरबो।

ते म न य ा हिन्जावफोरबो ओलै हिन्जावफोराबो मालाय हिन्जावफोरासो सिगां सोंग्रोदोंनोले बिनि खायनो बिसोरजौंसो ज' फोरौडोनेओ आधिकालनि फोरौगिरिनोसै बोराया जैरै गांसो गोरलै नागिरो बिसोरनोबो लाइक बिबदिनो। नमिट, बे दाबो जेबो नड जागोन जौल' थिखजा। थिक बे समावनो तेमना बिबाजैआ रुमाव हाबफैफिनो आरो नमिट आरो बुन्दुरामखौं ओंखारो जानानै थानो हमयो। बे समावनो नमिटआ बुंथेना होयो नाड बाडे माब्लाबा जागोन दिने नड आरो दिने बाजारवा थानांगौं दं। तेमना बिबाजैया अखा खालामासै। नमिट आरो बुन्दुराम मोनहा तेमनानि नख'रखौं माथो होघोनानै बिदाय लानानै बाजार फारसे ओंखारबोयो सानैजौं। लामाजौं गोबां मानसि साइकेल सालायनाय तेला गारि नारनाय बायदिजौं बुंफबनाय, दसेनि उनाव बाजार मोनबाय।

बाजारवा बिसोरौ माबा-माबि लानानै दसे बेरायदिडे बिनिक्राय बिसोर, न' फारसे आगान सुरो। मानोना नमिट आरो बुन्दुराम मोनहा तितउसननि सोमोन्दै रायज्जाय बोगासिनो दं। थिक बे समावनो बुन्दुरामा बुडे-नमिट तितउसन लानानैल' जाया न'आव एसेबो सित्ताडे खालामब्ला माइरं गैया। आधिकाल बर' थुनलाइ आफादआव मेट्रिक आन्जादआव जायनो बांसिन मोजां नम्बर मोनानै जुदि बर' थुनलाइआवबो बांसिन नम्बर मोनोब्ला बेनो बर' थुनलाइ आफादआ गांसे दाखानाय बिलाइजौं लोगोसे 10,000 रां बान्था होयोनो। बे बान्थाखौं जौंखौं लानो नाजा नांगोन। बे बायदि रायज्जायै-रायज्जायै माब्लादि न' फारसे मोनहैखो आन्दासआनो गैया। दानिया बिसोरबो गावबा-गाव गावसानानै न' फारसे थाडे। दिने रबिबारनि साना बाबेनलाडे। अखानायै बुन्दुरामा फुंआवनो सिखारना हाथाय आरो मोखौं सुयो। सुखानायनि उनाव बियो दसे बिजाव फरायो, समा माब्लाबोनो 8.00 बाजिबाय थि बे समावनो नमिट बुन्दुरामखौं गावबिचयो। गावबिचनायखौं खोनानानै हाबांआ गावनि बिजावखौं लानानै साइकेल सालायो। मानोना दिने फुनि 8.30 बाजियाव तितउसना

जागोन। थि 8-15 बाजियाव तेमनाया बुन्दुराम आरो नमिटखौं सिलायाव नेगासिनो दड। जौं फरायसालि मोनहैनयनि सिगां माब्लाबानो जौंजौं लाफानो गोनां हिन्जावसाफोरा दफेखायो गासैबो फरायसाफोरनो फोरौंजानो थाखाय मोजां रुम बांसिनानै लादौं। बे रुम नागिरनाय समाव मोनसे खथायाव तेमना आरो नमिता मुनि सासे लाइमोन बैसोनि सिख्लाजौं सौग्रावलायदौं। नमिताया आखाइयाव लानाय बिजावफोरा हायाव गोरलैयो। सानैबो बिजावखौं खन्थाय समावनो फोरौंगिरिया फैयो। गासैबो रुमाव हाबजोबो। जाजेननायनिफ्रायनो नमिताया तेमनाखौं मिच्लौं-मिच्लौं नायहरदौं-नायहरदौं तेमनायाबो बिखौं नायहरदिनदौं। फोरौंनयाव गोसोआनो गैया दिने बिसोर सानैआ बोहैआ नाथाय नमिता आरो तेमनाखौं नोजोर होखाडे मानोना बियो बुंखादौं बै समाव दिने तितउसन जोबबाय। बिबदिनो दिनेबो नायज्जायो गाबोनबो नायज्जायो तेमनाया नमिताखौं सानसे नुवाब्लानो माबा गोमानाय बायदि माबोरै बिनो लाइजाम हरग्रोनो ओजौंहाय बियो नमिट आरो बुन्दुरामखौं लाजिदौं बिबाजैजौंबो मिथि जानो गिदौं मानोना बिबाजैया बिखौं जोबोद नोजोर होखायो

तेमनाया जानाय जाथायखौं नमित मोनहा मिथियाखै मानोना खोरौमाबाबो खोन्थायाखै रावनोबो खालि नमितआल' मिबथिगौं। थानो हाथारैआव तेमनाया बुन्दुरामखौं बै जाथाय जानायखौं खोनयो आरो बुडे लाइजामखौं नॉ नमितानो होथार नांगोन होनानै बुन्दुरामाबो बुडे जागोन दे आं नाजागोन। तेमनाया हराव गोबां बार लिरदौं आरो जायै बायदि मोनानै दानफिनदौंबो। जोबथारनायाव बियो लाइजामखौं लिरदौं नमितानिसिम आर्मि नायग्रोम लांगोनो: आंनि आन्जालि बिनानाव लाइजामनि गिबि-गिबि नॉ बिनानावनिसिम खासि बिबारफोर बायदि गुफुर बिलाइयाव खोमसि खथायाव गंसे मोलेले गाबनि खालिजौं लिरनाय लाइजाम लोगोसे नॉनि आपेल फिथाय बायदि खावलायाव खनसे खुदुमनाय थाबाय लोगोसे इसोरनि अननायाव दासान्दै मोजाडैनो दड जानांगौं? नमिता मा खालामनो नॉनि बै लाइमोन बैसोआ खालामबाव आंखौं बोरमा। दिने आं नौखौं जानाय लॉनाय समाव गोसो खांबाय थायो। फरायो आं बिजाव नाथाय हांखोनि बदलै जाखौंफैयो नमिता नॉनि महरासो साया-माया हरावबो उन्दुलानो हाया। आंदि नौखौं बेसेबांबा मोजां मोनो नुजेननायनिफ्रायनो गोसो गोबौंजौं। हानाय नड आं नौखौं बावनो बे जोनोमानाव थैयाब्ला। नाथाय बिनानाव नॉ बे बिथिडव आंखौं मा सानो राजि जागोन्दा नॉ आंजौं। जायाब्ला निमाहा गैयै दायनि

थाखाय निमाहा बिखांनया थायो नमिता। जायोब्ला थार फिनखौं गोखै हर नमिता। आं नौखौं मोजां मोनो नमिता। दिने बारगोलाव खालामला हरावो थौबाय। गोजांनयावबो बोथोर, आखाइयावो रुयहाबबाय लिरनोबो बाबाय दिने बेवहायनो फोजोबबाय। जायोब्ला:- नॉनि तेमना मुसाहारि-

तेमनाया गिबांसिन लाइजामखौं लिरखानानै सोबाय खाभाव बियो गाबोननि तितउसनाव बुन्दुरामनो होगोन थाखिया दिने तेमनानि बेनोल' गोसोआव सान्दोंबो होनो हागोना हाया। तितउसनाव तेमनाया बुन्दुरामनो होबाय लाइजामखौं। नाथाय नमिता दैसो मिथिजोबाय तेमनानि जाथायफोरखौं। नमिताआ बिसोर सानैखौं रागा जौंफ्लाडे खिन्थायैआव दानिया बुन्दुरामा गंसे बिजाव गलायाव नमितामोनखौं लोगो हमदौं मानोना दखनाव होयोब्ला मानसिफोरा आन्दासमोना। बुन्दुरामा लाइजामखौं आजवयो आरो सोडे- सोरनि होनानै? बुन्दुरामा फिनो तेमनानि होनानै। दिने तितउसनाव तेमना आरो नमिताया लाजिलायदौं नायलाय हरफिनलायाखै तेमनाया सानदौं आंखौंबा लागोन्ना लाया ओजौंहाय नमितायाबो गिदौं लाइजामावबा तेमनाया मा लिरदौं गोसोआ सानैबो थिउसनाव गैया। नमिताया तितउसनखौं माब्ला गगोन जादौं। थानो हाथारला (7 बिलाइआव)

आसामआव कभिड-19 जों सन्देर जानाय सुबुंफोरनि अन्जिमाया दासिम 9,367 दं कभिडनि हेंथायै जुजिनायाव सा 930 सुबुंफोरा जिउ ख'हा जादों

गुवाहाटी, 1 नभेम्बर: हादतनि सिडाव थानाय गुबुन गुबुन राइज्योफोराव दासान्दि कभिड-19 नि गोसारनाय एबा सुबुंफोरनि देहायाव सन्देरनाय रिपर्टआ आलादा-आलादा जाहैनायजों दासिम आसामआव 2,06,351 पजिटिभ रिपर्टखौ मोन्नो हादों। सोलिफु नभेम्बर दाननि जागायजेनायनि सिगां थानाय 31 अक्ट'बरखालि आसामआव गुबुन सा 336 सुबुंफोरनि देहायाव गोदान पजिटिभ के सखौ मोन्नो हानायजों लोगोसे बे सानखालि सा 4 सुबुंफोरा कभिडजों जिउ गोमायो। अदेबानि आसामआव 2 लाखनिबो बांसिन कभिड के सखौ मोन्नो हानायनि अनगायैबो सा 930 सुबुंफोरा कभिडजों जिउ गोमादों। शनिबारखालि फाहामथाय लानायनि गेजेरजों सा 1,386 सुबुंफोरा मोजां हालोदआव फेफिन्नानै न' फारसे गिदिलॉफिन्नो हायो। मख'नो गोनादि, जागायजेनायनिफ्राय लानानै आसामआव दासिम कभिडनि हेंथायै जुजिनायै मोजां हालोदआव फेनाय सुबुंफोरनि जौखोन्दोआ 95 जौखोन्दो



जादों। बेखौ नोजेर होयोब्ला हादतनि गुबुन गुबुन राइज्योफोरजों लोगोसे आसामआवबो कभिडनि हेंथायै सुबुंफोरनि जुजिनानै मोजां हालोदआव फेनाय जौखोन्दोआ जोबोद गोजोन्थाव। मैया बेनि सायाव राइज्यो सरकारनि देहा बिफाननि मन्थि हिमन्त बिश्व शर्माया दासान्दि सोलिबाय थानाय कभिडनि थासारनि सायाव बे गोनां बाश्राखौ बुनानै मिथिहोयोदि, राइज्योनि गेजेरव 95 जौखोन्दो सुबुंफोरनि मोजां हालोदआव फेफिन्नानय थासारिया जोबोद गोजोन्थाव। मन्थि शर्माया बुडोदि, आसामआव दासिम कभिडजों सन्देरजानाय

एबा भुगिनानाय सुबुंफोरनि अन्जिमाया 9,367 ल' दंसै। अदेबानि पजिटिभ मोन्नाय जौखोन्दोआ राइज्योयाव दासिम 1.29 % सोलिगासिनो दं। राइज्योयाव शनिबारखालि कभिडजों जिउ गोमानाय सा 4 सुबुंफोरनि मुडा फारियै-नगावनि अबानि गस्वामि (55), गलाघातनि चन्द्र सिं नाहाक (70), डिमाहासावनि बिस्वति सांमा (50) आरो बडइगावनि हेरेन रय (75) होनानै मिथिनाय जादों।

आगरटलायाव सुबुंफोरनि थाखाय कभिड देहा फाहामसालिखौ बेखेवदों

त्रिपुरा, 1 नभेम्बर: त्रिपुरा राइज्योनि राजथावनि आगरटलायाव बेरामि सुबुंफोरनि थाखाय गंसे कभिड केयार सेन्टरखौ जिबिपि देहाफाहामसालियाव बेखेवनाय जादों। त्रिपुरा राइज्योयाव कभिडजों सन्देरजानाय सुबुंफोरनि अन्जिमाया बायबाय थानाय आरो फेगौ समाव बांसिन जागोनखौ नोजेर होनानै कभिडजों सन्देरजानाय बेरामि सुबुंफोरखौ फाहामथाय होनो थाखिजों जिबिपि देहाफाहामसालियाव गोदानै कभिड केयार देहाफाहामसालिखौ बेखेवनानै होयो सोनाब त्रिपुरा लक सभा बिबायनि एमपि प्रतिमा भौमिक आ। जिबिपि देहाफाहामसालिनि सासे फाहामगिरिया बुडोदि, कभिड-19 नि जाहोनाव राइज्योनि सुबुंफोरा बायदिसिना जेनाजों



भुगिनानाय आरो जेनायाव गोगलैनायखौ नोजेर होनानै साबसिन फाहामथाय होनयनि थाखाय बे कभिड केयार सेन्टरखौ बेखेवनाय जादों आरो बेनि गेजेरजों बेरामि सुबुंफोरा फाहामथाय लानायाव गाहाम खाबुखौ मोन्नो हागोन। बे कभिड केयार सेन्टराव फाहामथाय बिथिडव माखासे गोनां राहाफोरनि आदबजों फाहामथाय होनयनि खाबु दं जैरे- 13 भेन्टलेटर, एक्स-रे, आल्ट्रा-सनग्राफी, गुबुन फाहामथायनि खाबुफोराबो दडा। बे सेन्टराव गासै 221 बिसिना

नभेम्बर दानाव बेंकफोरा खमैबो 8 सान बन्द' थागोन


गुवाहाटी, 1 नभेम्बर: सोलिफु नभेम्बर दानाव दुलाराय भारतयावनो बांसिनै राइज्यो राजाफोरनि बेंक आरो गावआरि बेंकजों लोगोसे गुरुनानक फोर्बानि अनगायै खेब 5 रबिबार आरो खेब 2 शनिबारखौ लाफानानै खमैबो 8 सान बेंकफोरा बन्द' थागोन। बेनि अनगायैबो जायगानि फुजानि लोब्बायै फालिनाय समावबो बेंकआ बन्द' थागोन। सोलिफु नभेम्बर दाननि गेजेरव बेंकफोरा बन्द' थागोननि फारिलाइखौ



गाहायाव होनाय जाबाय। अदेबानि बेफोर जादों दिदें 1 नभेम्बर रबिबारखालि मोनफ्रोमबो बेंक मावख'फोयनो बन्द'। बेनि उनाव फेगौ 8 नभेम्बरखालि फिन रबिबार

गोलैनायजों बेंकआ बन्द' थागोन, 13 नभेम्बरखालि वांगाला फोर्बो, 14 नभेम्बरखालि कालि फुजा, 15 नभेम्बरखालि रबिबार, 16 नभेम्बरखालि बिक्रम सम्बत

अरुणाचल प्रदेशनि सांलांग जिल्लायाव 3.4 गोखौंथि बांग्रि मावदों



इटानगर, 1 नभेम्बर: सा-सान्जा राइज्योनि गेजेरव थांनाय माखासे दाननिफ्रायनो सम-सम एसे बिबानि बांग्रि मावबोनायनि मोन्दांथिखौ मिथिनो मोन्नायनि गेजेरवनो दिदें फुनि समाव अरुणाचल प्रदेशआव एसे गोखौंथिनि बांग्रि मावलांनाया सुबुंफोरखौ गिखानाय सोमजिहोदों। सुलुनि बायदिब्ला दिदें फुनि समाव अरुणाचल प्रदेशनि सांलांग जिल्लायाव रिक्टर स्केलआव 3.4 गोखौंथिनि बांग्रि मावदों। फुनि 8 रिगायाव मावनाय बे बांग्रिनि जागायजेनाया सांलांग जिल्लानि सा-सान्जा ओन्सोलनि 10 कि:मि: गोथौनिफ्राय जागायजेन्दोंमोन। बांग्रिनि मावनाय गोखौंथि आरो जागायजेनाय मिरुखौ मिरु बोथोर बिगियानआ बे रिपर्टखौ मिथिहोदों। सुलुनि बायदिब्ला रिक्टर स्केलआव 3.4 गोखौंथि बांग्रि मावनायजों अरुणाचल प्रदेशनि सांलांग जिल्लायाव जेबो सुबुंनि फारसे ख'हा जायाखै होनानै मिथिनो मोन्दों। मख'नो गोनादि, अरुणाचल प्रदेशआव बेनि सिगां थानाय 9 अक्ट'बरखालि 3.0 गोखौंथिनि बांग्रि मावदोंमोन आरो बे बांग्रि मावनाया प्रदेशनि टावां जिल्लायाव सोमजिदोंमोन। बेबायदिनो थांनाय माखासे दाननिफ्रायनो सा-सान्जा ओन्सोलनि माखासे राइज्योफोराव सम-सम एसे गोखौंथिनि बांग्रि मावनाया सोमजिबाय थानायखौ लानानै सुबुंफोरा माब्लाबानि समाव हरखाब गोखौं एबा गिथावनायै बांग्रि मावगोनखौ लानानै गोसोयाव गिखानाय साफिदों।

हायार सेकेन्डारि आन्जादनि थाखाय फरायसाफोरखौ अन लाइननि गेजेरजों आर'जलाइ सुफुंनो एएइचएसइसिआ फोसावदों

गुवाहाटी, 1 नभेम्बर: रबिबारखालि आसाम हायार सेकेन्डारि इडुकेसन काउन्सिल सुंदर्ये एएइचएसइसिआ फोसावना होदोंदि, दिदें 1 नभेम्बर अक्ट'निफ्राय हायार सेकेन्डारि जोबथा आन्जादनि थाखाय फरायसाफोर आर'जलाइ सुफुंनो मोनसे पर्टेखौ बेखेवनानै होनाय जाबाय। अदेबानि दिदेंनिफ्राय आन्जाद होग्रा फरायसाफोरा



होदोंदि, दिदें 1 नभेम्बर अक्ट'निफ्राय हायार सेकेन्डारि जोबथा आन्जादनि थाखाय फरायसाफोर आर'जलाइ सुफुंनो मोनसे पर्टेखौ बेखेवनानै होनाय जाबाय। अदेबानि दिदेंनिफ्राय आन्जाद होग्रा फरायसाफोरा

डिब्रुगडनि नाहरकतियाआव ड्रग्सजों लोगोसे सा 2 सुबुंखौ खादों

डिब्रुगड, 1 नभेम्बर: डिब्रुगड जिल्लानि नाहरकतियाआव आसाम पुलिसआ संदानायनि गेजेरजों गोबां बिबानि हेइन मुनि जाथोसे आइन बेरेखा ड्रग्सखौ बोखानो हादों। मोनसे फोथायजाथाव सुलुनि गेजेरजों डिब्रुगड आरो नाहरकतिया पुलिसआ जुथायै संदानानै नाहरकतियाआव आइन बेरेखा हेइनखौ बोखानो हायो। बे संदानायाव पुलिसआ 5 लाख रांनि आइन बेरेखा हेइनजों लोगोसे गंसे एलपिजि सिलेन्डार लांग्रा ट्राकखौबो बोखानो हादों होनानै सुलुडाव फोरमायदों। पुलिसआ आइन बेरेखाय हेइनजों लोगोसे बे जाथायाव लोब्बा थानाय सानै ड्रग्स फालांगिखौ खानो हायो। पुलिसनि सुलुडा फोरमायनाय बायदिब्ला मोनसे फोथायथाव सुलुंखौ मोन्नो हानानै डिब्रुगड जिल्ला पुलिस बिबानिगिरि प्रतिक डबेनि दैदेंनायाव



डिब्रुगडआव गुबुन जायगानिफ्राय फेनाय ट्राकखौ उनसंदानानै ड्रग्सजों लोगोसे सानै सुबुंखौ हमनो हायो। पुलिसआ डिमापुराव बेनि बागै मोनसे जरखा सुलुंखौ मोन्नो

हादोंमोन। बोखानो हानाय हिइननि लिस्थायखौ गासै 33 ग्राम होनानै मिथिनाय जादों। पुलिसआ बे आइन बेरेखा फालांगिजों लोब्बा थानायाव सत्यजित मरान आरो प्रहलाद

बराखौ हमनाय जायो आरो बिसोरनि हेंथायै गोखौं केस जाबसिनानै दासान्दि संदानायखौ सोलिहोबाय थादों होनानै सुलुडाव फोरमायदों। मख'नो गोनादि, सा-सान्जा राइज्योनि गेजेरव आसामनि गुबुन जिल्लाफोराव आइन बेरेखायै ड्रग्स फालांगिया बांसिनो लानायाव पुलिस खुंथायनि फारसे गोखौं नोजेर लाखिनायजों सम-सम बेबायदि आइन बेरेखा फालांगिजों लोब्बा थानायाव दासिम गोबां सुबुंफोरा खाजादों।

10 नभेम्बरव गेजेर आसाम बन्द' फोसावदों दुलाराय टिवा फरायसा आफादआ

गुवाहाटी, 1 नभेम्बर: सोलिफु नभेम्बर दाननि फेगौ 10 अक्ट'खालि गेजेर आसाम बन्द' हांखायदों दुलाराय टिवा फरायसा आफादजों लोगोसे गोबां टिवा हारि आफादफोरा। फेगौ बिसायख'थियाव बिजेपि दोलोखौ सासेबो टिवा हारिनि सुबुंफोरा भट होनाइ होनानैबो फोसावनाय जायो। मरिगाव बिबायनि एमएलए रमाकान्त देवरिआ सासे गावनो टिवा हारिनि सुबुंमोनब्लाबो नाथाय बिथाइ बिधान सभानि गेजेरव दिदेंसिम टिवा हारिनि जेनानि सायाव जेबो बाश्रा बुडाखै। अदेबानि बिथाइ मरिगाव बिबायनि सिडाव जेबो जौगाखां खामानि मावाखै। बिथाइ सासे फेलें जानाय एमएलए। बेबायदि एमएलएखौ नैथि खेबनि थाखाय मरिगावनि थागिबि सुबुंफोरा सुबुंनि थान्दै महरै दैथयहरा। मरिगावनि एमएलए रमाकान्त देवरिखौ बेफोरबायदि गोखौं रावजों फिनजाथाय होनायजों लोगोसे दुलाराय टिवा फरायसा आफाद आरो माखासे हारि आफादफोराबो गोखौं रावजों सावरायदों। आसाम राइज्योयारि राजथानि ओन्सोल जौगाखां प्राधिकरन आइन 2017 नि आवथायाव टिवा गावखुंथाय परिषदिनि कामरुप



मेट्र जिल्लानि डिमरिया ओन्सोल आरो मायं सार्कलनि सिडाव जागिरड जौगाखां प्राधिकरन ओन्सोलखौ दानख'नायनि दाबियाव, टिवा गावखुंथाय परिषदआव जानगारनानै थानाय ट्राइबेल गामिफोरखौ सोसन्नाय आरो ट्राइबेल नडै गामिफोरखौ दानख'नांगोनि दाबिजों गाबोन 2 नभेम्बरखालि मरिगाव बिहुतलियाव सुबुं धर्ना, 4 अक्ट'खालि जागिरडआव माहारियारि राजालामा होबथानायजों लोगोसे फेगौ 10 नभेम्बरखालि 28 घन्टा गेजेर आसाम बन्द' फोसावनाय बाश्राखौ मिथिहोदों दुलाराय टिवा फरायसा आफादजों लोगोसे टिवा हारिनि आफादफोरा। टिवा आफादफोरा गोजौयाव मख'नाय माखासे आयदाखौ लानानै थांनाय

गोलाव साननिफ्रायनो सोमावसारबोदोंमोन आरो आसाम सरकारा बिसोरनि दाबिफोरखौ गनायनानै लानायनि बाश्राखौ फोसावदोंमोन। नाथाय सोलिफु बोसोरनि थांनाय 19 अक्ट'बरखालि आसाम सरकारा मोनसे फोसावथिनि गेजेरजों मिथिहोदोंदि, कामरुप मेट्र जिल्लानि डिमरिया ओन्सोल आरो मायं सार्कलनि जागिरड जौगाखां प्राधिकरन ओन्सोलखौ जौगाखां प्राधिकरन आइन 2017 नि आवथायनिफ्राय दानख'आखिसै। मोनसे खौरं मेलनि गेजेरजों रेखा खालामोदि, टिवा हारि आफादफोरा जायखि जाया राहानि गेजेरजोंनो दाबिफोरखौ मावफुंनंगौ आरो दाबिफोरखौ सुसाइब्ला फेगौ समाव आरोबाव सोमावसानायनि गोनांथार राहा लागोन होनानै हुमखि होयो।

भारतयाव कभिड-19 नि 47 हाजार गोदान केस मोन्नाय जादों

दिल्ली, 1 नभेम्बर: भारतयाव कभिड-19 नि 46,963 गोदान केस मोन्नाय जादों। जायजों रबिबारसिमाव इनफेक्सन जानायनि अन्जिमाया गासै 81,84,082 जाहैबाय। थांनाय 24 घन्टायाव इनफेक्सनजों 470 थैनायनि केसखौ थिसन्नाय जादों, जायजों थैनायनि अन्जिमाया 1,22,111 जाहैबाय। 15,70,454



केसआ दासिमबो सांग्रां जाना दं, जेराव 74,91,513 बेरामिफोरखौ गाहाम जानायनि उनाव छुटि होनाय जाबाय। देहा आरो नख'र जौगाखां मावख'नि गेजेरजों फोसावनाय अन्जिमानि बादिब्ला, हादतयाव गाहाम जानाय हारया 91.54 जौखोन्दो आरो थैनायनि हारआ 1.45 जौखोन्दो जाहैबाय। महाराष्ट्रयाव करनानि 16,18,406 केसखौ मोन्नाय जादों आरो 43,911 सुबुंफोरा थैबाय। बेनि उनाव अन्ध्र प्रदेश, कर्नाटक, तामिलनाडु, उत्तर प्रदेश आरो दिल्लीनि जायगा दं। माहारियारि राजथावनियाव थांनाय 24 घन्टायाव 5,061 गोदान करनानि केस मोन्नाय जादों, जायजों गासै केसआ 3.88 लाखनिफ्राय बांसिन जाबाय। गुबुन फारसैथिजाय सा 41 थैनायजों लोगोसे थैनायनि गासै अन्जिमाया सा 6511 सिम जाहैबाय।

सोरखौ सोर मालाय सान्दों

नै आगोमा बर' जोहोलावफोर
बर' बिमानि गोबोनिफ्राय जोनोम लाबाय नोंसोर
माखौ सान्दों माखौ मावदों
सोरखौ सोर मालाय सान्दों ?
फेदेरनो गेग्रेब ग्रेब बिमानि देराखौ
बेसेन होनो सुबुं जिउमाखौ
नाथाय नख बिनि अनगायै-
गावजों गाव जोबझानायनि दावहा सोरजिबाय ।
सोर दड जोहोलाव नोंहा नखराव ?
गैया रावबो गैया नखरानो फिसाखा ।
फिसा नखरखौ गिदिर फेदेरनो
हारिनि महर मुस्रिखौ फोजोंखानों ।
बर' हारिनि आलादा राज्यो दानो, सिमां नुनाया-
जाबाय दिने जोहोलावफोर
बिदा फंबाय बुलाय-सोलाय, दानलाय सुलाय,
आरो नुबावबाय सौनाय गैया फिन्नाय गैया
गोसोम उखुन्दैनि गेजेरजों
A.K. 47 नि बिषनि गुलिजों
अन्थाय बिखानि बबा रायज्जायनाय ।
ल'हाया जिउ,राव, गियान, धोरोम गैया
नाथाय मानसि हादि-
जिउ दं, गियान धोरोम दं मानोथो-
रायज्जायनो रोंदिया, सान्दों रोंदिया, बुजिनो हादिया-
अ' मानसिया मानसि नंला ।
नों आंखौ गावथारदों खहाया नोंनिनो जादों
आं नोंखौ गावथारदों खहाया आंनिनो जादों
नाथाय नोंनि आरो आंनिल' खहा नख
बिजिरलु आखुनि गोहोआ दिन्थियो
बेवहाय दुलाराय बर' हारिनि ।
मोजाझ मोजां सान्दों गात्रिया गात्रि बुजिदों-
बिदा-फंबाय गबायलाया जादों
नाथाय बेवहाय लाजिनाय गैया ।
बुजिनाय गैया बिजिरनाय गैया
धोरोम गैया अनलायनाय गैया
बेनो नामा जोहोलाव-
हारि सिबिनाय राज्यो दाबिनाय
माहारि फेदेरनाय, मास्टर रेस दानो सान्नाय:
बिमानि मोदै हुगारनाय ?
आं जिंगा सियो गाबो फिसाफोर
आंहा गोबों दं बिखा दं
फिसाखौ खानायनि बासायनायनि
हारिखौ मोजां मोन्नायनि सिबिनायनि
आं दुखु जायो फिसाफोर नोंसोरबो दुखु जादो
आं मोदै गयो फिसाफोर नोंसोरबो मोदै गदो ।
बिदा फंबायजों खौसे जाफिन्दो,
बर' हारिनि इयुननि गोजोन नखरखौ
गोदानै दाफिन्दो
सानलायदो बुजिलायदो गोरोबलायदो
दुलाराय बर' हारियानो खौसे जाफिन्दो ।

प्रदीप कुमार बसुमतारी
कक्राझार ।

नेवसि जानाय गोसो

बे मोजां मोननाय नि गेजेराव
नखमोन आं दायनि गिरि ।
लानांबाय दायखौ रुजुनाय आं,
नागार लांबायनो आंखौ !
अब्लाबो नोंखौ गोसो खानानै लिरों
आं हरखि सान लाभ लेथार
नोंखौ गोसो खानानै सुजुयो
आं खन्थाय रायथाय ।
फोरमाय हरनो सानोमोन
नाथाय गैया रावनिबो हेफाजाब,
साया माया गेले फैबाय थायो
नों आंनि बिखायाव ।
लाबाय आं नोंनि मुंखौ
बिखायाव सोनानै ।
अराय जिउनि थाखाय
गोसो खांबाय थायो आं नोंनि महरखौ
नाथाय नुवा आं मोकथांआव
नोंनि महरखौ लाय ।

मुश्री जोंसार नारजारी
फरायसालि-मागुर मारि गोजौ फरायसालि
गामि-खान्थाल्य गुरी

सिमांनि आन्दोभाव

गोबों गोसोनि अनजालि रजे
नों थारैनो बेसे गोजानाव ?
रुगुं गैये अख्मांमा बारनानै.....!
ना रुगुं गैये लैथो बिखा बारनानै ।
नाथाय नों अनजालिया
जेसेबांखि गोजानाव थाया मानो !
नों आंनि.....
बै खोमसि निजोम हरनि सिमाडव
साया-माया, नुहां-नुवाहां,
उप्ले-उप्ले, दानाय-बिलिरनाय,
आन्नाय-खुदुमनाय फाव लाना
गेले फैयो नों अनजालि रजे
गोबों गोसो सिमाडव ।
दाउब सि-सिरिया फिसाखौ क' क',
बजबना लानाय बादि !
जेब्ला नों आंखौ....
गावनि गुवार बिखायाव
मोजोमसे बजबना लायो,
अब्ला आंनि गोबों गोसोया
आवा-फावा जाना
अन्नायनि लैथोयाव गोजावो ।
नाथाय नों अनजालिया
सिमांनि आन्दोयाव गेले फैना
मोकथांनि बै जरासे गान्दुखौसो
सेब-सेब सिमलाब होना,
बबेथिं आन्जाय लांफिनो ?
नों अनजालि....
सिमांनि आन्दोआवनो ।

मुस्रि दानसोरान बसुमतारी
गामि-सेसापानी
थाखो- B.A 3year
ला:सो- मागुरमारी
जिल्ला- क'कराझार (आसाम)

आंनि हें था

मुश्री निर्मल चन्द्र बसुमतारी

बे फैलाव बुहुम बिखायाव
आं जोनोम लायो ।
जोनोमजों लोगोयाव आंहा गोरिब,
आरो आलाइ-सिलाइ,
जाहोनाव आं-
जेब्ला हायाव लुद्रु-लुद्रा गेलेथिडे,
सिख्लाइ एमफैया....
आंनि फेन्दा खेरेफायाव अरफबो ।
जेब्ला आं उन्दुयो,
उराव एम्फौफ्रा....
आंनि मोदोमाव खेब-खाब अरखुमायो ।
जेब्ला हराव आं गोदो गोदो उन्दुलाडे,
आंखौ थाम्फेफ्रा अरगिललाडे ।
जेब्ला न'याव, जिरायग्लाडे ॥
आंनि मोदोमाव दावखुमैफ्र-
मानसाव-खुम्राव अरफबो ।
आडे जेब्ला फरायसा जिउ-
आंनि उदैया ओंखाम ओंखि गैयामोन ।
मालायनि गिजि गब्लं सिफोरखौसो गानोमोन,
बिबादिनो बिफोरजोंसो आं फराय नाडेमोन ।
आं जेब्ला लाउखार हाग्रायाव मोसौ गुमहैयो,
आंनि आइथिंफ्राव लुवारफ्रा अरगिललाडे ।
आं जेब्ला दाहोना दुब्लियाव हालेव हैयो-
आलि दानो- खोयो मावो-
आंनि आइथिंफ्राव बेद्लावफ्रा ज'ज' बाथाबना
अरगिललाडे
आं जेब्ला सि जौसा हादानाव आबाद मावहैयो,
सान-हर,मैदेर नेनानै मेगन मोदै-
आं उन्दुस'न लाडे जाजोबलाडे ।
जेब्ला आं मेघालयाव खैला जावहैयो
आंनि लोगोया खैलाजों फबजाना थैलाडे ।
बेयावनो आं आला दिङ-
आंनि समा ओरैनो
गोबां जेनाजों सौप्रावना-
आं फैफिन नाडे-
बिदिनो आंनि हें था ।

रंजालि गथ' फोरनि सौरा

महर बोगोरि

महर बोगोरि आं बे मुगानि
हागोनदा आखिनो-
गोसो गोबोनि सान्नायखौ- ?
सानो आं गोसोनि बाश्नाखौ फोरमायनो
सुबुं लैथोनि बिखायाव रान्ना होनो
नाथाय सोर मिथिनो ?
आंनि थुलिखानि रावखौ-
सुबुंनि नोजोराव जीउ गैये आं
सैना दोन्नाय गंसे सावगारीसो
रायदावगोन सोर आंखौ ?
मिथि मोनगोन दा- ?
थुलिखानि खायलें खुइलें बोनाय
राव गैये सावगारीनि गावखौ ।
नाथाय बेयावनो थाखोमादों
गासै आंनि-
सुखु-दुखु गावनाय मिनिनाय मेंनाय-बानाय ।
हे ! सुबुं माहारि-
अन्नानै नाय नुनो मोनगोन
सानानै नाय बुजिमोनगोन
रायज्जायनानै नाय राव मोनगोन
दानानै नाय साखाथियाव मोनगोन
आगानफ्रोमबो दावगालानायाव
आं थुलुंगा मोनगोन ।

श्री पबित्र बसुमतारी ।
कक्राझार मिउजिक एन
फाइन आर्ट कलेज ।

गोदान राइजोनि गिबि नुथाय

गोदान राइजोनि गिबि नुथाय
गुसु बारनि गिबि बिलिरजेननाय,
रान्दि आदुगारिफ्रा मिनिगलाबदों
मानिबा दाहायाव मोदैबो हुगारदों,
एभारेफ्टसिम सौहैनायनि सिमांआव
होलोखो बुदांआ आदार बिबायदों ।
दैज्लां बोथोरनि एम्बु नेरनाय बायदि
जैरैथिबो रिखादों भट हो, भट हो,
हरखाब दैदेनगिरिफोरनि दुब्लियाव
दालान, स्काइ स्क्रपर रजदों,
सानगोहो सुबुंफ्रा आन्दायदों
रानखानाय सोलेरखौ सुगलायहोनों,
बरफनि दामोलाव एरसोहैदों
आरोबाव सानश्रहायै गोबां ।
टिकादार बाबुफोरनि टिकादारि होनायाव
बड'लेण्डनि रिउ-रिउ, खोल खोल
जिनो रोडै गौरा लामायाव
मोसौ गारि गंसे खारनायाव
खुद्रिदों, हस्रिखावदों,
आरोबाव सहायनो बेसेबां ?
थारैनो बड'लेण्ड बिबार महर लानानै
गेवलां गेवथां बारलां हांबाय,
बेरे सिखिरिफ्राबो बाहां बिरहां
बिदे सोबनो हांखुर जाखांबाय ।

रंगिना ब्रह्म
कक्राझार फरायसालि

निखावरिनि मोदै

फुंनि गोरलै सानजों लोगोसे सिखार फानानै
फारनैबो खावलाइआव रानथावनाय मोदै लानानै
सासे उन्दै गथ' आं बबेयावबा थाबायलाडे,
निखावरिनि मोदैआ रथ' रथ' बोहैलाडे ।
अनसुला बिफाया गोसोआव बायदि मिजिं लानानै
सानो फिसाखौ फेदेरनो फोरोंनो हाग्रायाव बन
दाननानै,
मानिबा दुखुआव मोदैनि थरथिंआ र' गलाडे ।
निखावरिनि मोदैआ रथ' रथ' बोहैलाडे ।
मैयानि हराव गथआ बिजाब फरायनानै
दो उन्दुलांफ्लाडे साथिखौ खोमोरनो बावनानै,
सिरि मोनफिनोबा थाबआ जोवनानै थायो,

“सोलेरा आंनि”

मिथिया मानो बे सोलेरा
नुयिखौ नुनो हास्थायबायो,
मोनिखौ सेराव मोनो हास्थायबायो ।
नाथाय, धुमनि जिरादा थाखो दं
सोलेरा आंनि
लुबैबायो गोबां ।
आं मिथिगौ दा
आंनि जाफु बिदिन्थाया
गाहाम नख
नाथाय फैगौ बिदिन्थाखौ
गाहाम आं खालामलांगोन ।
सिगाडव मावबोदों आं
गोरोन्थि गोबां
फोसाबफिनो आं नाजालांगोन
फारि गोबां ।
दुखुआव बैहैगलायो
गोबां मोदै मेगनफ्राय
सुखुआव ओंखारो खुगानिफ्राय
गोबां मिनिनायल-
आय ! इसोर
माबादि नोंनि सोरजि बेलाय
जिउवा नोंनि सोलेरा आंनि ।

मुस्रि अबजित नारजारी
थाखो- 10 (जि)
गामि- बाधि पारा, बासुगाव ।

सिमां

नुदोंमोन आं समायना मन्दिर लुनाय
लुदोंमोनबो आं गंसे समायना मन्दिर ।
गैया नाथाय फोसाबनो
आंनि समायना मन्दिरा
जानांबाय दिने सोमखे आंनि
सिमांनि समायना मन्दिर ।
जावदोंमोन आं गंसे जिउ दिङ
गुवार लैथोनि गेजेरजों
नाथाय मेगन गोसा बार मोदायआ
बुस्रोमना खोमाबाय आंनि
आखायनि गंसेल' लोरगिखौ ।
जानांबाय आं लैथो गेजेरनि
लोरगि गैये आनदायनाय दिङरि
नुदोंमोन आं बिबारनि बागानाव
बारसे समायना बिबार ।
जादोंमोन आंनि गोसोआ,
लुबैदोंमोन आंनि गोसोआ
समायना नों बिबारजों लायनो
नाथाय सोरगिदिं गसिबो.....
गिलु बालु सुनि बेंनाय
मात्रैहाय फोलावनो आखाय
हायासै आं समायना बिबार नोंखौ लायनो
हास्थायनाय जारिमिन सिमां महर जालांबाय ।
मिस रोमै मसाहारी
कासिबारी ।

निखावरिनि मोदैआ रथ' रथ' बोहैलाडे ।
बिमाया राइयो गथ'खो रागा जोंफलांनानै
थिनहरफ्लाडे लाइनो रां नागिरनानै
मानिबा दाहाया बिमानि बिखाखौ सौगिललाडे ।
निखावरिनि मोदैआ रथ' रथ' बोहैलाडे ।
सोरनिबा दुखुआ सिफु देंखो जानानै
गाबलाडे अन्थाय बिखाखौ सिमलाबहोनानै
खबामा सिरिये गोमा लांखुमायो ।
निखावरिनि मोदैआ रथ' रथ' बोहैलाडे ।

श्री विजय बसुमतारी
गामि- कल बारी ।



(1 बिलाइनिफ्राय)

(1 बिलाइनिफ्राय)

(1 बिलाइनिफ्राय)

1 नभेम्बरनिफ्राय मोनसेल नम्बरजों बाहायगिरिफोरा गेस सिलेन्डार बुकिं खालामनो हागोन

बे नम्बरनि गेजेरजों गेस सिलेन्डारनि बुकिं खौ खालामनो हागोन । जुदि सोरबा बाहायगिरिया गावनि ओन्सोलाव गुबुन टेलिकम सार्किलयाव थांब्लाबो बे नम्बरनि गेजेरजों गेस सिलेन्डारखौ बुकिं खालामनो हागोन । बे नम्बरयाव एसएमएस एबा आइबिआरएसनि गेजेरजों गेस सिलेन्डारनि बुकिंखौ खालामनो हागोन । मावख'आ बुंदों इन्डेन बाहायगिरिया गावनि रेजिस्टाई मबाइल नम्बरजॉल' गेस सिलेन्डारखौ बुकिं खालामनो हागोन ।

गिबि मन्थ्रि सनवालआ साहा बागान ओन्सोलाव गं 119 मडेल गोजौ फरायसालि गायसन्नायनि बिथांखिखौ बेखेवबाय

सरकारनि साहा आबादारिफोरनि गथ'-गथाय एबा फरायसाफोरखौ सोलोंथाय लानाय बिथिडव जौगाखां होनायनि थारिखजों बे समाव गोनांथार हाबाफारि लानाय जाबाय । गिबि मन्थ्रिआ बुडोदि, 2016 माइथायाव जेक्ला बिजेपि दैदेन्नाय सरकारआ खुंथायखौ सामलायजेनो बे समनिफ्रायनो राइज्योनि गासैबो थाखोनि सुबुंफोरनि थाखाय समान जौगानायनि खामानिखौ मावबोगासिनो दइ। गाहाय मन्थ्रि नरेन्द्र मदिनि मोन्थोर सबका सात, सबका बिकाश, सबका बिकाश नितीनि गेजेरजों आसाम सरकारआ राइज्योनि मोनफ्रोमबो समाजनि हारि-हारिसाफोरनि थाखाय जौगानायनि गोनांथार बिबान लादों । दिनै अन्थाय खाम्फा गायसन्नानै होनाय गं 119 मडेल गोजौ फरायसालिफोरनि मुंखौ साहा हारिसानि गेदेमा सुबुंफोर थामहिनबा हादरनि उदांसि सोमावसारनायाव बाहागो लानाय फारिये-मांग्री अरं, दयाल दास, बिजु बैष्णब आरो गुबुन गुबुन गेदेमाफोरनि मुडव बिसोरखौ गोसोखांनानै लुफुंनो थांगासिनो दइ आरो बिसोरनि बिहोमा होलांनयखौ अरायसम सुबुंफोरनि गेजेराव लाबोफिनो थारिखजों बेफोर फरायसालिआ साहा हारिसाफोरनि थाखाय जौगाखांनि गुबुन मोनसे आगान जागोन होन्नानै गिबि मन्थ्रिआ बुंथियो । गावनि बिबुंथियाव गिबि मन्थ्रि सनवालआ बुडोदि, राइज्योनि साहा हारिनि थाखाय दासिम गोबां मुलाम्फायारि बिथांखिफोरखौ थिसन्नायनि गेजेराव राइज्योनि खमैबो 800 साहा बागानफोराव लामा लुफुंनाय जाबाय होन्नानै मिबथिहोयो । गिबि मन्थ्रि सनवालआ बेखेवनाय हाबाफारिआव आगुनि कंग्रेस सरकारखौ गोख्रों रावजों सावरायनाने बुडोदि, बांसिन बोसोर सम कंग्रेस दोलोआ खुंथायाव थानानैबो राइज्योनि साहा श्रमिकफोरनि फिसाज्जला, फिसाजोफोरनि थाखाय गोजौ सोलोंथाय होनायनि बिथिडव जौगानाय थाखोनि सोलोंथायखौ होनो हायाखै । जायनि थाखाय साहा श्रमिकफोरनि गथ'-गथायफोरा गोजौ सोलोंथाय लानायनिफ्राय गाहायाव थालांदों । बेनि थाखायनो आथिखालनि गाहाय मन्थ्रि नरेन्द्र मदिआ मोनफ्रोमबो थाखोनि जौगानाय थांखि आजावना लानायखौ आसाम सरकारआबो हेफाजाब होनानै राइज्योनि साहा बागान ओन्सोलाव दिने मडेल गोजौ फरायसालि लुफुंनयनि अन्थाय खाम्फाखौ गायसन्नाय जाबाय । मख'नो गोनांदि, राइज्योनि साबा बागानफोराव आसाम सरकारनि थांखि लानाय बादिथै दिने फरायसालिनि लुफुंनाय हाबाफारि हिसाबै शिबसागर जिल्लानि उनाव कलियावरनि मोनथाम जायगायाव गंथाम मडेल गोजौ फरायसालि फसंनयनि अन्थाय खाम्फा गायसनो कलियावरनि एमएलए आरो आसाम सरकारनि दै सम्पद बिफाननि मन्थ्रि केशब महन्चआ । दिने बिथांखिनि सिडव गिबि मन्थ्रिआ नाजिरनि मेकिपुर राहा बागाननि गेलेग्रा फोथाराव फरायसालिनि थाखाय गायसन्नाय हाबाफारिनि लोब्बायै खुंनाय मेलआव पिडब्लिउडि बिफाननि मन्थ्रि जगेन महन, एमपि तपन कुमार गगै, साहा हारिनि लाइमोन दैदेनगिरि प्रहलाद गवाला, आटसानि गाहाय नेहाथारि पावन बेदियामोनहाबो बाहागो लानानै आसाम सरकारनि बेबादि गोनां हाबाफारि लानायखौ साबायख'र होयो ।

गुबुन फासैथिं गिबि मन्थ्रि सर्बानन्द सनवालआ दिने श्रीमन्त शंकरदेब कलाक्षेत्रनि मुलुगनां जथुमसालिआव खुंनाय मोनसे हाबाफारिआव दुलाराय आसाम कर्मसारि गौथुमनि बारग' आफादगिरि बाशप चन्द्र कलितानि माव बिबान आरो बिहोमा होलांनयनि सायाव सेवखानानै दिहुन्नाय गांसे अन्नबेदि लाइसिखौ हाबाफारि बादिथै बेखेवनानै होयो । बे बेखेवनाय लाइसिआव बासब चन्द्र कलिताया थांनाय 20 बोसोरनाइ दुलाराय आसाम कर्मसारि गौथुमनि आफादगिरि महैर बिबान सामलायबोनानै गौथुमखौ सिगांफासै लांनो हादोंमोन । बेनि लोब्बायै खुंनाय मेलनि हाबाफारिआव बिबुंथि लाखिनानै गिबि मन्थ्रि सनवालआ आसाम सोमावसारनायनि कर्मसारि गौथुमनि गिबि मुंखलं दिलिप चक्रबर्तीनििसिमबो मान बाउनयनि अनगाथैबो कर्मसारि गौथुमनि खामानि मावनायखौ बाखायो । बे आयदानि सायाव गिबि मन्थ्रिआ बुडोदि, गौथुमआ जोनोम मोन्नायनिफ्रायनो राइज्योनि जौगानायाव थोजासे बिहोमा होबोदों । गावनि बिबुंथियाव गिबि मन्थ्रिआ राइज्यो सरकारनि निती आरो माव बिबाननि सायाव रायखानानै बुडोदि, आथिखालनि बिजेपि दैदेन्नाय सरकारआ खुंथाय सामलायनायनिफ्रायनो आसाम गोरोबथानि गुबुन गुबुन दफाफोरखौ मावफुंनयाव बिबान लादों । अदेबानि गाहाय मन्थ्रि नरेन्द्र मदिनि दैदेन्नाय मिरु सरकारआ आसाम गोरोबथानि 6 नं दफाफोरखौ मावफुंनयनि थाखाय गोनांथार नोजोर होदों होन्नानै बुडो ।

बिटिसि बिसायख'थिनि थाखाय बिजेपि दोलोआ 500 मेल खुंनो थांखि लादों

मावफारियाफोरजों सावरायलायनानै आफादगिरि रन्जित दासआ बुडोदि, दिनैनिफ्राय जों बिटिसि परिषद बिसायख'थिनि फोसावदिंनयखौ जागायजेनबाय । बाक्सा जिल्लानिफ्राय जागायजेन्नानै गुबुन जिल्लानि ओन्सोलफोराव खमैबो 500 मेल-मिदिंखौ खुंगोन होन्नानै आफादगिरिआ मिबथिहोयो । बे खेबआव बिजेपिनि दैदेन्नायाव बिटिसि सरकारखौ दाफुंंगोन । बिजेपिनि दैदेन्नायाव एबा बाहागो थादेरनायाव बिटिसि खुंथायखौ दखल खालामोब्ला राइजो-रजाफोरा थार जौगानायनि खाबुफोरखौ मोन्नो हागोन होन्नानै आफादगिरि रन्जित कुमार दासआ मिबथिहोयो ।

बाक्सायाव मुगानि आगदारि बानेस्वर बसुमतारिनि 78 थि जोनोम सान फालिदों

लानानै दैदेन्नाय बे हाबाफारिआव आफादनि फिर्फिलाखौ बिरहोयो मिरु एबसुनि आफादगिरि दिपेन बर'आ आरो मुंखलं खाम्फायाव बिबार बाउजेनो बिथानिनो आंगो बिसि पुलेस्वरि बसुमतारिआ । दिनैनि बे जोनोम सान फालिनाय हाबाफारिआव मिरु एबसुजों लोगोसे जिल्ला, दख'रा, दालाइसा आफादनि गोबां दैदेनगिरिफोरजों लोगोसे बर' थुनलाइ आफादनि बारग' रांखांन्थि नेहाथारि, बरपेटा जिल्ला एबसुनि बारग' आफादगिरि, खख्लाबारि हुजुया जौमा फरायसालिनि गोरयुं आरो बिबुंगोरा लोगोसे कमार देसा गोजौ फरायसालिनि फोरोंगिरिफोर, सिके गुदि बर' थुनलाइ आफादनि आफादगिरि आरो नेहाथारि, बोजबनि बारग' गाहाय नेहाथारि लीलाबति बसुमतारि, सिजौ एकाडेमिनि गोरयुं एबा आथिखालनि इडपिपिएल हान्जानि दैदेनगिरि फैला जे बरगयारिमोनजों लोगोसे ओन्सोलनि गोबां मेलेमजिबिफोर आरो राइजो-रजानि बाहागो लानायजों हाबाफारिआ मेहेरगोनाइ जाफुंसार जालाडो ।

अनुसुसित जाति फरायसा आफादनि दख'रा आफाद दादों

मेलनि गेजेरजों दुलाराय आसाम अनुसुसित जाति फरायसा आफादनि दख'रा आफादखौ दाफुंनाय जायो आरो बे गोदान आफादआव आफादगिरि महैर पबित्र मन्डल आरो गाहाय नेहाथारि महैर रन्सय दासखौ बिबान होनानै गासै सा 21 सोद्रोमाफोरखौ लानानै मोनसे गोखों दख'रा आफाद दाफुंनाय जायो । बे मेलआव बाहागो लादोंमोन बिटिसिनि ओन्सोल आफादनि गाहाय नेहाथारि मिथुन शुत्रधर, गसाइगाव जिल्ला आफादनि लेइइ आफादगिरि उत्तम शुत्रधर, गसाइगाव जिल्ला कर्मिदिनि गाहाय बोसोनगिरि सपन पडरि, माखासे गागि दैदेनगिरि आरो मावफारियाफोराबो बाहागो लादों ।

दिथागिरि-समाज बिबाननि सायाव सोलोंथायारि मेल खुंदों

बिमाया बाश्रा रायज्जायजेन्नायनिफ्राय जागायजेन्नानै मोनफ्रोमबो बिथिडवनो सोलोंथाय होयो । बेनिखायनो बिमाफोरा गावनि हौवा-हिन्जावसाफोरखौ गोगो सोलोंथायजों सोलोंथाय होनायनि बिथिडव गुबुन गुबुन बिहोमा होनो हानाय सोलोंथायगिरि होन्नानै बुंनो हायो । गथ'साफोरखौ गुबुनजों रुजुनो नागारे थुलुंगाखां होनो फोसावो गासै बिमा बिफाफोरखौ । सेदामारि गुदि फरायसालिनि गाहाय फोरोंगिरि कृष्ण कान्त दासनि आफाद दैदेन्नायाव जानाय मेलआव श्याम टुडु, कक्राझार जिल्ला बिरांश कमान्ड फर्सनि कमान्डेट समबु हासदा आरो खौरंगिरि भूगुमनी रायआबो गथ'साफोरखौ थार नोगोरारि हिसाबै लानानै थानायनि फासै बिबुंथि लाखियो । सेदामारि गुदि फरायसालि सामलाय आफादनि आफादगिरि लखन हेमब्रमआ जागायजेन्नाय मेलआव गामिनि सा 6 फेग्रा बेसादनिफ्राय जानगायाव थानाय सुबुंफोरखौ मान होनानै बरायनायबो जायो । फासैथिं हारियारि हिंसाखौ नागरानानै गोजोन थासारिनि रदाब बिलाइनयनि मुडव मोनसे थुनफावथायबो दिन्थिफुंनाय जायो । बे हाबाफारिआव बासुगाव गुरुकुल नेसनेल स्कुलनि गिबि थाखोनि फरायसुलि निलाक्षि रायआ ॐ भुपेन हाजरिफानि मेथाइनि सायाव आरो जायगानि देखोगिरि सागरिका रायआ रोजाबनानै दिन्थिनायजों साफ्रोमखौबो गोसो गोजोनगलायहोनो हादों ।

कक्राझारनि भटगावआव

माहारियारि खौसेथि सान फालिदों

लायो । सरदार भल्लबभाइ पाटिलनि जोनोम सानजों लोब्बा लाखिनानै हालामआव थानाय गासै हारि-हारिसाफोरनि गेजेराव गोजोन-खौसेथि आबहावा थासारिखौ गोख्रोंसिन खालामनायनि नोजोरजों माहारियारि खौसेथि सान फालिनाय जादोंमोन होन्नानै कमान्डेट गुलाब सिंआ फोरमायथिदों ।

दिनैनिफ्राय जागायजेनबाय

जतिन इसलारि-गौतम राय

गोसोखां फुटबल ट्रफी

सालाकाटि दालाइ पुलिस चकिनि सिडव थानाय हरिगावनि जतिन इसलारि गेलेग्रा फोथारआव दिनैनिफ्राय जागायजेन्नाय गेलेनायनि गोजा रिबनखौ हास'नानै बेखेवना होयो आसाम सरकारनि समाज अन्साय बिफाननि मन्थ्रि प्रमिला रानि ब्रहमआ । बेखेवनाय मेचखौ रिखां कलाबआ अलंबार कलाब आपलगाव हान्जाखौ टाइब्रेकारनि हेफाजाबजों फेजेन्नो हानानै उननि राउन्डआव सौहैनो हायो । मिबथिनाय बादिब्ला, रंसारि जतिन इसलारि-गौतम राय गोसोखां फुटबल ट्रफी बादायलायनायाव बे खेबआव गासै 62 फुटबल हान्जाया बाहागो लागोन होन्नानै सालाकाटि स्पर्टस ससाइटिनि नेहाथारि सुद्धधन बसुमतारिआ खौरं बिजोंनिसिम मिबथिहोनयजों लोगोसे बादायलायनायनि तारंगुरि गेलेग्रा फोथारआवबो मेच गेलेनायखौ खुंनाय जागोन होन्नानै मिबथिहोयो । फासैथिं गाबोन गेलेनो गोनां मेचखौ सातबिन्दु रिखां एफसि आरो इडनाइटेड एफफसिनि गेजेराव मोगा-मोगि गेलेगोन । फासैथिं बडाइगाव जिल्लानि बिद्यापुरआव रजा अजित नाययन देव मिनि स्टेडियमआव सोलिबाय थानाय रंसारि गुनधर राजबंशि आरो रंसारि कामिनी बाला राय गोसोखां प्राइजमानी फुटबल मेचआव सापर टी इस्टेट फुटबल हान्जाया राव राव कलाब कक्राझारखौ टाइब्रेकारनि हेफाजाबआव फेजेन्नो हानानै सेमिफाइनालाव सौहैनो हायो ।

गोबिब सुबुंनि मोजां मोनबाय

मोजां मोनदोंमोन आं नोंखौनो गोबों बिखाजों गोसो गोबॉनि अन्नायखौ नोंनो नो होजोब दोंमोन आं । आंनि अन्नाय होनाया नॉनि थाखाय थोथै-लोमै; गोसोम महर लाना जायो नों आंजों मानिबा रागा-रागा । आंनि दुखु दाहानि खौरं फोरमायो नाथाय नों मिनिनानैनो खोमाखौ फांथेयो, आंनि अन्नाय होनायखौ नेवसिबाय नों आंखौ-गोरिब सुबुं होनानै । दुखु थाबाय आं अनजालि नोंजों बे जोनोमाव जुलि जानो, सा-सात्रां गोसोजों नोंखौ मोजां मोनदों होननानै-आं सानाखैमोन अनजालि । नॉनि आंनि दानदिसे मोजां मोननायनि रावआ आंनि-बिखायाव बावनो हायै थपला खानानै थाबाय अनजालि बे आंनि गोरिब जिउआव ।

उपेन्द्र बसुमतारी

जायनारी, सिम्बरगाव, कक्राझार

जे इ इ आन्जाद खेलेंखारिनि मास्टर माइन्ड भार्गब डेकाखौ खाबाय

समावनो मोनसेनि उनाव गुबुन मोनसे साखियाव थिसन्थाय बिथिडव गिदिर खेलें-खारि आरो गेना-खांन्थि नुजाथिनायखौ लानानै थोंजोडै बि जे पि दैदेन्नाय सरकारनि सायाव सोंथि खालामदों । मानोना, ए पि एस सि खेलेंखारि गेदेर गेना-खांन्थिया नुजाथिनायनि उनावनो थानाय बावयैसो साननि सिगां राइज्योआव उफ्रा पुलिस नायसंगिरिनि साखियाव थिसन्नाय खेलेंखारिया साफ्रोमबो सुबुंफोरखौ मोनसे सोमोनाहोनायजों लोगोसे गोसोयाव खुंथायखौ लानानै गोनो-गोथो सिखांहोदों । बेनि उनावनो जे इ इ आन्जाद खेलें-खारिया फिन नुजाथिबावदों । अदेबानि बे खेलें-खारियाव दासान्दि संदान्नायनि गेजेरजों सासेनि उनाव गुबुन सासे दायनिगिरिफोरखौ हमनो हानाया जाफुंसारदों । मोनसे सुलुड मिथिहोनाय बायदिब्ला, जे इ इ मेइन आन्जादनि खेलें-खारिजों लोब्बा थानाय गुबुन सासे मास्टर माइन्ड भार्गब डेकाखौ पुलिसआ हमनो हाबाय । भार्गब डेकाखौ ग्लबेल इडु लाइटनि बिगुमा होन्नानै मिथिनाय जादों । बे खेलें-खारिजों लोब्बा थानायनि फोरमानखौ मोन्नो हानायाव पुलिसआ संदानबाय थानायनि आन्दोआव भार्गब डेकाया आश्रय लानानै दंमोन आरो दिने गुवाहाटीसिम फैनाय समावनो पुलिसआ बिखौ हमनो हायो । गुवाहाटी नोगोरमा पुलिसनि सामलायगिरि मुन्ना प्रषाद गुप्ताया फोरमायनाय बायदिब्ला पुलिसआ भार्गब डेकाखौ बेनि सोमोन्दै सिगांग्रो फोरमान मोन्नायनि गेजेरजों हमनाय जादों ।

बि टि सिनिफ्राय गामि दानख'नो हाग्रामाया सोर, बेनि

सायाव कमिसनआसो थांखि लागोन: रोनगोरा

नार्जारिआ । बियाबनि सिडव सातिपुर प्राइमरी इडपिपिएल दोलोनि मावख'निफ्राय खमैबो 500 निबो बांसिन सुबुंफोरखौ लानानै जागायजेनो बे हान्जा सुरनाया । रोनगोरा नार्जारिआ हाबाफारिखौ बेखेवनाय बिबुंथियाव बुडोदि, राइज्योनि मोनफ्रोमबो गामि-गामि ओन्सोलावनो इडपिपिएल दोलोआ बिसायख'थि फोसावदिदों । गेनाखांन्थिजों लोब्बा थानाय बिपिएफ आरो बर'-अबर'नि बोखावनाय लाबोनानै रजखांन्थि खालामनो नाजानाय एबा एमपि नब कुमार शरनीयानि दैदेन्नाय गण सुरक्षा पार्टिनि हेंथायै सुबुंफोरखौ खौसेथि खालामनानै बिटिआरआव मोनसे सुबुं खुंथाय सरकार दाफुंनो थांखिजों आवगायलांगासिनो होन्नानै नार्जारिआ बुंथियो । बिटिसिआव थानाय सानफोराव बिपिएफ दोलोआ गोबां गेनाखांन्थि खालामदों । सरकारि बिथांखि लाबोनानै बिपिएफनि दैदेनगिरिफोरा लुथिना गोरिब गुन्द्रा सुबुंफोरनि मुलाम्फाखौ फासैनिफ्राय लुथिनायनि अजद खालामबावो । बिटिआर गोरोबथानि दफाखौ दाफुडब्ला बर'-अबर'नि हिंसायारि आयदानि सायाव हाग्रामा महिलारिआ बुंनाय बाश्राखौ फिनजाथाय खालामनानै रोनगोरा नार्जारिआ बुडोदि, बिटिआर गोरोबथाखौ लानानै हाग्रामा महिलारिआ राजखांन्थि खालामगासिनो दइ । बे गोरोबथायाव जेबो मोनसेबो हारिनि थाखाय खहा खालामनाय दफा गैया । अदेबानि बर'-अबर' सुबुंफोरनि थाखायसो बिटिआर गोरोबथाया दाफुंजादों । मोनसेबो हारिनि जेराव जेबो हेंथा गैया बेयाव हाग्रामायाल' राजखांन्थि खालामगासिनो दइ । रोनगोरा नार्जारिआ बुडोदि, बिपिएफ दोलोआ बे खेबनि बिटिसि बिसायख'थियाव मोन 9 मासिखौल' देरहानो हागोन । मानोना बिपिएफ दोलोआ सिगाडव मोन 39, नैथियाव 29 आरो बेनि उनाव थामथियाव 19 मासिखौ मोन्नो हादोंमोन । बेखौ नोजोर होयोब्ला बिपिएफनि मासि देरहानाया लासैनो गाहायाव थांगासिनो दइ आरो बे हान्जानि जेन्नाया बे खेबनि बिसायख'थिया रोखा जाबाय होन्नानै रोनगोरा नार्जारिआ दाबि खालामो ।

शनितपुर जिल्लानि मुंदांखा आबादारि आरो सिफुं दामगिरि

फान्दुराम दैमारिआ हरखाबै रंसारि जाबाय

बसुमतारि, मागुराम स्वर्गियारि शनितपुर जिल्ला बर' थुनलाइ आफादनि सोद्रोमा सनि दैमारि, थेलामरा-ढेकियाजुलि बर' गुदि थुनलाइ आफाद आरो बर'नि गोबां आफाद गौथुमफोरनि दैदेनगिरि आरो सोद्रोमाफोरा रंसारि फान्दुराम दैमारिनि नख'रआव थांनाने बिबारजों मान बाउनयजों लोगोसे रंसारि फान्दुराम दैमारिनि जिउमया जाहाथे सोर्गांआव आलो-गोजोन थाहैनो हायो बेनि थाखाय अबंलावरिनाव आर'ज गाबो ।

हटेल मेनेजमेन्टनि फरायसा पंकज

ब्रह्मनि सहखौ बोखांनो हाबाय

पुलिस आरो एसडिआरएफ हान्जाया लड दैसायाव सहैनाने पंकज ब्रह्मखौ नागिरनो हमदोंब्लाबो नाथाय गोबाव समनि उनावसो एबा दिने बेलासि समावसो लाइमोन पंकज ब्रह्मनि गोथै सहखौ बोखांनो हायो । मख'नो गोनांदि, गसाइगाव महकुमानि सिडव थानाय मक्रापारा कमलसिं गामिनि थागिबि साजेन ब्रह्मनि फिसाज्ला पंकज ब्रह्मआ लड दैसायाव गबनानै जिउ खहा जानाय जाथायखौ लानानै दुखुथिया नख'रा दासान्दि दुखुनि मोदेखौ लानानै हांमा सुरनायजों बुब्लिखौ बारहोदों ।

एजेवाइसिपिनि भवानीपुर दख'रा

आफादनि जथुमनाया जोबलांबाय

आफादगिरि राजिब बायनआ फिर्फिला बिरहोयो आरो नेहाथारि नयन कलिताया गोसोखां खाम्फायाव बिबार बाउयो । बेनि उनावनो आफादगिरि राजिब बायनआ मासि सामलायनायाव आरो नयन कलिताया थांखि बेखेवनाय थान्दै मेल आरो आयदा सायख'नाय मेलखौ खुंनाय जायो । मेलआव परिषदनि बजालि जिल्ला आफादनि गाहाय नेहाथारि लक्षेस्वर दास, बोसोनगिरि निपल डेका, लेइइ आफादगिरि बाबुल आली आरो नेहाथारि बुबुल पाटगिरिआ आलासि महैर बिबुंथि लाखियो । बे मेलआव नब कुमार तालुकदार, निपल डेका, बाबुल आली, राजिब बायन आरो सन्जिब दासखौ बोसोनगिरि, राजिब बायनखौ आफादगिरि, नयन कलिताखौ गाहाय नेहाथारि महैर बिबान होनानै फेगौ मोननै बोसोरनि थाखाय भवानीपुर दख'रा आफाद दाफुंनाय जायो ।

राइज्योआव मुवा-बेसादनि बेसेन बांनायखौ

जेबो हेंथा होयाखै हान्जा आफादफोरा

बिधान सभा बिसायख'थिखौ लानानै मैखोमै नांथाबनाय राजखांन्थि हान्जानि दैदेनगिरिफोरा बेसेन बांनायनि बिथिडव नोजोर होयाखै । अदेबानि नोजोरआ बेयावसो होदोंदि, राजखांन्थिगिरिफोरा माबोरै बिसायख'थियाव देरहानो हागोन । सरकारि साखिआवलाफोरा दानप्रोमबो दान बान्था मोनबोनायजों बिसोरहा सोलिनायनि फासै जेबो अस्बुबिदा गैया । नाथाय गोरिब थाखोनि सुबुंफोरा जानाय-थानायनि फासै बेसेन बांनायनि जाहोनआव गोबां सान्नायजों जिंजा सिनो गोनां जादों । मख'नो गोनांदि, बै समनि कंग्रेस सरकारनि खुंथायाव गुबुन गुबुन मुवा-बेसादफोरनि गेजेराव सामन्नरामनि बेसेनआ मोनफ्रोम कि:प्रा:याव 40 रॉं जानायाव बिजेपिनि दैदेनगिरिफोरा बायदिसिना बेनार-पर्यटारफोर लानानै बेसेन बांनायनि हेंथायै सोमावसारदोंमोन । दानिया मिरु आरो राइज्योआव बिजेपि सरकार थानायनि गेजेरावबो बेसादफोरनि बेसेन बांनाया सुबुंफोरनि थानानै थानाय बिथिंखौ जिंजासिथावना खालामदों । अदेबानि बिजेपि सरकारनि मुवा-बेसादनि बेसेन बांनायखौ होबथानो हानायाव फेलें जानायनि फासै राइज्योनि हान्जा आफादफोरा गोनांथार राहा लानांगौ होन्नानै सांग्रां नोगोरारिफोरा दाबि दैखांदों ।



आन्नाया पान्देआ 22 थि जोनोम सानाव गावखौनो गोजोनाय फोरमायदों



मुम्बाइ, 1 नभेम्बर: बलिउडन फावखुंग्रि आन्नाया पान्देआ फैगौ शुकुबाराव गावनि 22 थि बोसोर जोनोम सान फालिनानै दुइट खालामनाय, 22 बोसोर बेसोआव गावनि गोसोखौ दुंगाखानाय मोन्दों आरो गोसोआव सानस'नो हायै गोजोनाय मोन्दों होन्नानै फोरमायथिदों। बियो बुंबावदोंदि, गावनि जोनोम सानाव बयखौबो हामब्लायथि बावहरो आरो बोर सारसिनायनि थाखाय साबायखर बावहरदों।

बेनि अनगायैबो गावनि सानाव सावथुन मुलुगनि हेफाजाबगिरि, लोगो लोगोरि, आरो फेन्सफोरनो हामब्लायथि बावहरनो थाखाय ससियेल मेडियानि हेफाजाब लादों।

अक्षयनि सावथुन लक्ष्मी बम सोलायनानै लक्ष्मी दोनबाय



मुम्बाइ, 1 नभेम्बर: बलिउडन फावखुंग्रि अक्षय कुमारनि सावथुन लक्ष्मी बमनि मुंखौ सोलायनानै लक्ष्मी दोनबाय जाबाय। बे थांखिखौ सेन्सर बर्डनि सुबर'न लानानै थिरांथाखौ लानाय जादों।

अक्षय कुमारजों लोगोसे सावथुन दिहुनगिरि सबिना खान आरो थुसार कापुर मोनहा खौसेयै गोरबलायनानै सावथुननि मुंखौ सोलायनो थांखि लादों। मख'नो

आइजोफोरनि सायाव हेंथा होनायनि थाखाय ससियेल मिडियाव सावराय जादों

गोदान दिल्ली, 1 नभेम्बर: फावखुंग्रि मुकेश खान्नाया आइजोफोरनि सायाव मोनसे हेंथा गोनां बिबुंथि होदोंमोन। बेखौ लानानै आथिखालाव ससियेल मिडियाव इजजस बाहायगिरिजों नोजोराव गोपलेंदों। बेनि सायाव मुकेश खान्नाया गोबां टुल खालामजादों। सासे इजजसआ कमेट होदोंदि, जों हौवाफ्रा आखाइ ह मचलायनानै सिगांलानो हाया। बेबायदियाव फावखुंग्रि मुकेश खान्नाया गावखौनो गाव बुजिनो हायाखै। नाथाय बिनि सायाव माबा मोनसे जाहोन दड।

गुबुन फारसेथि सासे आइजो इजजार आ दुइट खालामना लिरदोंदि, मुकेश खान्नाया नंगौखौनो बुंदोंदि, जों हौवाफोरनि समान जानो हाया। नाथाय बिसोरनि गोजौसिसआव दड। अब्लाबो गावखौनो रैखाथि गोयै बायदि मोनो। मानो होनोब्ला आयजोफोरनो खामानि मावनो जागायबाय। जाय आयजोफोरनो दाय होयो

सनु सुदआ गसिबो आइजोफोरनो साइकिलखौ जगायना होनो नागिरदों

गोदान दिल्ली, 1 नभेम्बर: लकडाउनआव हाजार हाजार गुबुन राइज्योफोरनि लेबारफोरनि थाखाय बासफोरनो एरे न्जमेन्ट खालामनाय सनु सुदआ आथिखालाव आइजोफोरनो साइकिलखौ रानानै होनो नागिरदों। मख'नो गोनांदि, सन्तष चौहान मुनि सासे दुइटार बाहायगिरिआ सुन सुदखौ उत्तर प्रदेशनि मिर्जापुर आरो सनभद्र जिल्लानि आरैबादि हाजार हाजार आयजोफोरनो नोजोर होदों। जायफोरा 5 थि थाखोनि उनाव सोलोंथायखौ नागार नांदों। मानोना आयजोफोरा इयुनि सोलोंथाय लानो थाखाय 8-15 कि:मि: आथिजों थाबायना हाग्राबारिखौ बारलानांगौ, जाय रैखाथि गैयै जायगा। दुइटखौ नायखानायनि उनाव सनुआ गोबाव खालामलासे खोथा होदोंदि,



गामिनि गसिबो आयजोफोरनो साइकिलखौ जगायना होनाय जागोन। दुइटार बाहायगिरिया सनुनि मदतजों जिउ रैखाथि मोन्नाय गथ'र फटखौ सेयार खालामनाय सनुनो फोरमायदोंदि, बिनि मदतजों गथ'आ गहाम जाबाय। फिन होनायाव सनुआ लिरदोंमोनदि, गथ'नि मिनिनाया गावनि साननि जागायजे न्नायखौ मोजां खालामबाय। मख'नो

गोनांदि, मुम्बाइयाव थानाय 10 बोसोरनि सासे गथ'नि सिनसिनि हाराया बायदोंमोन आरो निखावरि नख'र जानायनि जाहोनाव बे गथ'साखौ फाहामथाय होनो हायाखैमोन। जेब्ला सनुआ बे बाथ्रानि खौरोखौ मोनयो अब्ला बिनो रांखाथिनि मदतखौ जगायना होयो। 28 अक्टबरार गथ'साखौ सार्जरी खालामनाय जादोंमोन।

पाकनि एमपि अयाज सादिकखौ हादतनि बैरखा फोसावनो थियारि खालामदों

गोदान दिल्ली, 1 नभेम्बर: इन्डियान एयारफर्सनि उइग कामान्डार अभिनन्दनखौ भारतयाव दैथाय हरफिन्यायनि थार बाथ्राखौ फोरमायग्रा पाकिस्ताननि दैदेनगिरि अयाज सादिकनि थाखाय इमरान सरकारआ जेंना सोमजिहोदों। इमरान सरकारआ बेनि थाखाय अयाजखौ गिदिर साजा होनो थियारि खालामदों। गिबियाव इमरान सरकारयाव फोरमायथि मन्थि शिबली फराजआ बुंदोंमोनदि, अयाज सादिकनि हेंथायै आयेनारि महरै बिजिरनो हागौ। आथिखालाव पाकिस्ताननि नख'रारि मन्थि ब्रिगेडियार इजज शाहआ बुंदों सरकार अयाज सादिकनि हेंथायै संविजितनि धारा -6 नि गेजेरजों केस थिसनो दाबि

दैथानाय अजद लाइखौ मोनो हादों। 200 अजद लाइखौ आथिखालाव आयेन बिफानयाव दैथाय हरनाय जाबाय आरो बेखौ नायबिजिरनया सोलिंगासिनो दं। मख'नो गोनांदि, अयाजआ संसदयाव बिबुंथि होनायाव सरकारखौ थांखिनानै बुंदोंमोनदि भारतनि उइग कामान्डार अभिनन्दनजों शाह महमुद कुरैशी आरो आर्मि सिफ जथुमा खुना सावरायदोंमोन। कुरैशीआ बुंदोंमोनदि अभिनन्दनखौ हगार हरफिन नांगौ, नड भारतआ 9 रिंगायाव गाग्लोबनो हागौ। नाथाय इमरान खानआ बे बाथ्राखौ नेवसिगारदोंमोन। मख'नो गोनांदि, सार्जिकेल स्ट्राइकनि उनाव पाकिस्ताननि साहस दिन्थिनयाखौ फिन जाथाय होनानै भारतीय अखामा सान्थि उइग कामान्डार अभिनन्दन बर्धमानआ पाकिस्ताननि एफ -16 उरां जाहाजखौ गावखलायदोंमोन। डग फाइट'याव उरां जाहाजया जाबवथाय जाथाय जानायनि जाहोनाव बियो उरां जाहाजखौ पिअकेआव लेन्ड खालामदोंमोन। पाकआ भारतनि नार्सिननाय आरो फिन जाथाय होनायखौ गिनानै अभिनन्दनखौ रिहाय खालामनो थांखि लादोंमोन। पाकनि एमपि अयाज सादिकआ बे बाथ्राखौ रोखा खालामदों। पाकनि नोजोर होग्रा जर'खाफोरा बुंदों अयाज सादिकआ थार बाथ्रा बुंनयनि बेसेनखौ सुखनांगोन। मानोना बियो सान्थिनि बाथ्राखौ फोरमायदों।

चीनआ गोजाम जौगाखानाय मडेलखौ फोथायनो हाया: शी जिनिपिं

बेइजिं, 1 नभेम्बर: चीनि हादतगिरि शी जिनिपिंआ बुंदों चीनआ मुलुगनो मुवा-बेसाद दैथाय हरनायनि सायाव सोनारना थानाय आगुनि रांखाथि जौगाखानाय मडेलखौ फोथायनो हाया आरो चीनआ गावयारि सामलायनाय रैखाथि, फोथाय जाथाव दिहुन्थाय आरो जगायना होनाय नेमखान्थिखौ बानायनाय नांगौ। शीनि सामलायनायाव चीननि खुंथायाव थानाय कमिउनिस्ट पार्टी अफ चाइना (सि पि सि) नि अधिबेशनयाव माहारियारि रांखाथि आरो समाजारी जौगाखानायनि थाखाय 14 थि 5 बोसोरनि यजन (2021-



2025)खौ थियारि खालामनाय बिथांखिखौ गनायथि होनाय जादों। बेनि अनगायै 2035 सिमाव मोनसे यजनखौ थियारि खालामनाय बिथांखिखौबो पास खालामनाय जादों। शीनि गेजेरजों पास खालामनाय

बिथांखि 14 थि 5 बोसोरनि यजननि गेजेरजों हादतनि नख'रारि बाजारयाव सोलाय-सोल' खालामनो सावराय लायनाय जादों, जाहाथे दैथाय हरनायनि सायाव चीननि सोनारना थानायखौ खम खालामनो हायो।

बिग बस-14 आव कुमार सानुआ फिसाज्जानि गोरोन्थिनि थाखाय निमाहा बिदों

मुम्बाइ, 1 नभेम्बर: जान कुमार सानुआ बावैसो सान सिगां बिग बस-14 आव भारति रावखौ लानानै मोनसे बाथ्रा बुंदोंमोन, जायनि थाखाय बिनि बिफा आरो मुंदांखा रोजाबगिरि कुमार सानुनि फिसाज्जानि गोरोन्थिनि थाखाय निमाहा बिदों। गुबुन फारसेथि कुमार सानुआ मोनसे भिडिअ' फस्ट खालामनानै निमाहा बिनाया नोजोराव फैदों। बियो

फस्ट खालामनानै बुंदोंदि, सासे बिफा जानानै फिसाज्जानि थाखाइ निमाहा बिनाया नोजोराव फैदों। बियो फस्ट खालामनानै बुंदोंदि, सासे बिफा जानानै फिसाज्जानि थाखाय निमाहा बिनो हागौ। बियो बुंबावदोंदि, आनि फिसाज्जालाया एसे गोरोन्थि बुंदों। जायखौ 41 बोसोर बैसोसिमाव बेबायदि सानखानाया सोमजिफेराखैमोन। कुमार सानुआ



बुंबावदोंदि, महाराष्ट्र, मुम्बाइ भारतनि गासैबो रावफोरनो मोजां आरो मुंबा दे बी आ आ'नो आसिबाद होनायाव आ'नि नाम खौ मुंदांखा खालामनो हादों आरो हास्थायनायफोरनो मोन्नो हादों। बियो बुंबावदोंदि,

मोनो आरो सनमानबो होयो आरो गुबुन गुबुन रावनि देंखोबो रोजाबदों होन्नानै मख'यो।

गाहाम देहानि राहा किसमिसआ देहानि गाहाम बान्जायो

किसमिसखौ नुनायाव फिसा नुयो। नाथाय बेवहाय माखासे गुनआ थावखोमाना दं। सम सम सुबुंफोर बेखौ बांद्राय जानो हाया, मानोना बेयो गोबां गरम खालामो। नाथाय जुदि दैयाव सोमहाबनाय किसमिसखौ जाब्ला बेयो मुलाम्फा होगोन। मानोना किसमिसयाव आयरन, पेटिसियाम, केलसियाम आरो मेगिनिसियामखौ गोबां बिबानि मोननो हायो। बेनि अनगायै किसमिसआ फाइबारनिबो मोजां फुंखा। एक्सपार्टनि बादिब्ला गोरान किसमिसनि अनगायै दैयाव सोमहाबनाय किसमिसखौ जाब्ला माखासे मुलाम्फाखौ मोन्नो हायो। बेवहाय कार्बहाइड्रेटनि बिबाइड गोबां थायो। बेजों देहाया गोहो मोनो। सानफ्रामबो मोन 10-15 किसमिसखौ हराव दैयाव सोमहाबनाय दोननांगौ आरो फुडव उदें खालियाव जाब्ला मुलाम्फा मोनगोन। किसमिसआ गोदें जायो। बेनि थाखाय बेवहाय सुगारनि बिबाइड गोबां थायो। नाथाय



सोमहाबनाय किसमिसखौ जाब्ला बेयो ख'हा खालामया, नाथाय मुलाम्फासो खालामो। सोमहाबनाय किसमिसखौ जाब्ला गुफुं देहा जानायाबो खम जायो। किसमिसखौ जाब्ला जिउया गोलाव जायो। बेजों लोगोसेनो बेयो मोखानि महरयाव हुइज हुइला जानायखौबो जानागार खालामो। हराव किसमिसखौ रुनानै अखानायै फुडव किसमिसनि दैखौ लौब्ला जेब्लाबो लाइमोन बैसोनि जाना थागोन। किसमिसयाव फाइबारनि बिबाइड गोबां थायो। बेजों जौनि दोगोन जाग्रा अंगया गोखौ जायो आरो गेसनि जेंनायाबो सोमजिया। किसमिसयाव

एन्टिअक्सिडेन्ट थायो। भिटांमिन ए आरो बीटा केरटिन बादि तत्वजों दैयाव सोमहाबनाय किसमिसआ मेगनि थाखाय मुलाम्फा गोनां। किसमिसजों देहाखौ डिटाक्स खालामनायाव मदद मोनो। बेयो मोनसे रोखोमनि ड्रायफ्रुट जायजों देहानि टक्सिसनखौ बायजोयाव दिहुन हरोनो हायो। किसमिसयाव केलसियाम आरो माइक्र निउट्रियेन्टखौ मोन्नो हायो। बेजों हारा बेगेंआ गोखौ जायो। किसमिसयाव एन्टिबैक्टिरियल गुन दं। बेखौ अरगिल्ला खहाय मोनामनाया जानागार जायो आरो गोदीनानि इन्फेक्सन जानाय निफ्रायबो रिहाय मोनो।

एवनाय सानाआ देहानि थाखाय गाहाम



एवनाय सानाखौ जादों जानांगौ। जुदि एवनाय सानाखौ स्वादिनि थाखायल' माब्लाबा माब्ला समाव जादोंब्ला बेखौ सानफ्रामबो जानांगौ। एवनाय सानाखौ जाब्ला देहाया मुलाम्फा मोनो। एवनाय सानाखौ निखावरिफोरनि बादामबो बुंनय जायो। बेवहाय कार्बहाइड्रेट, प्रटिन, नमी, केलसियाम, आयरन आरो भिटांमिनआ थोजासे बिबानि थायो। (1) सानफ्रामबो ब्रेकफास्ट जानाय आरो सानजौफुयाव जाग्रा आदार जानायनि सिगां

50 ग्राम एवनाय सानाखौ जाब्ला देहायाव बेराम होबथानो हानाय गोहोया बाडो। सानफ्रामबो फुडव एवनाय सानाखौ जाब्ला गुफुं देहा जानायनिफ्राय रेहाय मोनगोन। बेखौ जाब्ला देहानि गोबां मेजेमखौ आवलि होनो हागोन। (2) एवनाय सानाखौ जाब्ला हासुदैजों सोमोन्दो थानाय बेरामनिफ्रायबो रेहाय मोनो। जायनाव खनले खनले हासुनायनि जेंना दं बिसोरो सानफ्रामबो गुडजों लोगोसे एवनाय सानाखै जानांगो। (3) जायनाव गेसनि जेंना दं

बिसोरो सानफ्रामबो सानाखै जाब्ला आराम मोनगोन। गेसआ देहायाव माखासे बेराम खालामो। (4) सानाआ दोगोन जानाय गोहोखौ सामलायो आरो ख'र। मेलेमनि गोहोखौबो बांहोयो। सानाजों थैआ गोगो जायो जायजों बिगुरा जौखोल' जायो। सानायाव फसफरास थायो, जाय हीमग्लोबिननि लेबेलखौ बांहोयो आरो किडनीनिफ्राय एकस्ट्रा साल्टआ ऑंखारो। (5) एवनाय सानाआ डायबिटिस बेराममिनि थाखायबो मुलाम्फा गोनां एवनाया सानाआ ग्लूकोजखौ सोबखयो जायजों डायबिटिस बेरामखौ सामलायनो हायो। डायबिटिस बेराम गोनां सुबुड सानफ्रामबो एवनाय साना जाब्ला ब्लाड सुगारनि लेबेलखौ खम खालामनो हायो।

नालेंखर बिदैआ मोखानि महरखौ जोंखोल खालामो

नारेंखल डाबआ देहा सोलेरनि थाखाय मुलाम्फा गोनां। एनार्जी ड्रिंखौ लौनायजों लोगोसे नारेंखल डाबखौ लौब्ला बडियाव थै खम जानाया जानागार जायो। नारेंखल डाबखौ लौब्ला खर' सानाय आरो स्किनयाबो गोबां मोजां जायो। खर'नि खानाया गोजों जानाय आरो ग्लूइं स्किननि थाखाय सानफ्रामबो बेखौ बाहाय नांगौ। नारेंखल डाबखौ लौनायजों लोगोसे बेखौ स्किनयावबो कटननि हेफाजाब लाना फुननांगौ। बे मोखानि महरखौ सिंजों माइथराइज खालामनायजों लोगोसे मोखानि महरखौ दागो आरो सिथर सिलाखौबो



जानागार खालामो। नालेंखल मिटटी आरो नालेंखल डाबखौ गलायना बेखौ पेस्ट बानाय नांगौ आरो सानफ्रामबो बेखौ मोखानि महरयाव फुनना लानांगौ।

मिटटी आरो नालेंखल डाबखौ गलायना बेखौ पेस्ट बानाय नांगौ आरो सानफ्रामबो बेखौ मोखानि महरयाव फुनना लानांगौ।

रैखाथि रादाय खानायनि थाखाय फोथायजाथाव लोगो रुसआ

गोदान दिल्ली, 1 नभेम्बर: रुसआ जुन 2020 सिम फोरमायनाय हादतनि सांश्रिफोरनि गोनांथि बादिथै गावसोरनि जगायना होनाय हाबाफोरिखौ फुरा खालामबाय। सुलुंनि बादिब्ला, रादाय खानायाव लाइट गान्स, प्रजेकटाइल्स आरो बमखौ बायनाया दंफादेरोमोन। बे बोसोरनि गरम बोथोरनि समाव भारतनि रैखाथिनि गोनांथिखौ जगायना होनो थाखाय भारत-रुसनि गेजेराव माखासे मुवा-बेसाद बायनायनि रादाय खानायनि सायाव मुं सायनाय जादोंमोन। रैखाथि मन्थि राजनाथ सिंआ मस्कखौ दावबायनाय समाव हाथियारनि



गोनांथिखौ फोरमायदोंमोन। बे समाव भारतनि रैखाथि मन्थि राजनाथ सिंआ रुसनि बिक्ट्री डे फेडनि फोर्बोयाव बाहागो लादोंमोन। मख'नो गोनांदि, सान्जा लाहाखयाव चीनजों जेना

सोमजिनयानि गेजेराव रुसआ भारतजों लोगोसे सोलोयारि खांथिनि हे फाजाब होलायनायाव जाफुसरो हारदों। गलवानयाव सा 20 भारतीय जवानफोरा मुंखं जानायनि

उनावबो भारतीय सांश्रिनि जोहोलाव आखु दिन्थिनायाव बेइजिंखौ गिखां होदोंमोन। बोसोराव मिग-21 खौ बायनो अडरि होदोंमोन। नाथाय जुलाइ दानयाव गोदान दिल्लीआ 21 मिग-29 आरो माखासे सुखाइ उरं जाहाजखौ बायनो गनायथि होनाय जादोंमोन। बे रादाय खानायाव हादतयाव थानाय मिग-29 फाइटर जेटनि आपरेडेशननि रादाय खानायावो दंफादेरोमोन।

कार्टुन दिन्थिनायाव सुबुंफोरा दुखु मोन्दों जानांगौ, नाथाय हिंसाखौ गनायना लानो हाया: इमेनुएल मैक्रान

पेरिस, 1 नभेम्बर: फ्रान्सखौ हेंथा धर्ना होनाया मुलुगनि माखासे हादतफोराव सोलिदों। माखासे हादतफोरनि गाहायफोरा फ्रान्सखौ हु मखि होदों। फ्रान्सनि हेंथायै गोदान धर्ना होनायाव सानफ्रामबो दरसे नड दरसे हादतफोरा लोगो लादों आरो फ्रान्सनि हेंथायै गोखों राव बुंदों। आधिखालाव फ्रान्सनि हादतगिरि इमेनुएल मैक्रानआ हेंथा होनायनि बिबानखौ गावनो सामलायदों। बियो कटर बेस्ट निउज चेनेलजों सावराय लायनायाव उतखारिफोरखौ गोखों राव बुंदों। महम्मद साहाबनि कार्टुन दिन्थिनायखौ लानानै धोरामनि सुबुंफोरा गोमोनो हागौ आरो दुखुबो मोनो हागौ। नाथाय बेबादियाव हिंसाखौ आजावना लानो हाया। बियो फ्रान्सनि हेंथा होरा आरो मुवा बेसादखौ



नेवसिगारनो खवलायनाय धोरामरि-राजखान्थि दैदेनगिरिफोरनि सायावबो उल्टा फिनजाथाय होदों। फ्रान्सनि मुवा बेसादखौ नेवसिगारना सुबुंफोरा प्राइबेट आर्मि बादि जाय फ्रान्सखौ खहा खालामनो हाया। बेनि गेजेराव 72 घन्टायाव फ्रान्सनि गिर्जा न'याव नैथ खेव गाग्लोबनाय

नायबिजिरनाया सोलिगासिनो दं। फ्रान्सआ उतखारिनि हेंथायै गोखोडै दावहा नांनो बाश्रा बुंदों। फ्रान्सयाव उतखारिनि गंसे फंसथानया गाग्लोबनो नाजादों। धोरामनि एजेन्डा सालायग्रा गंसे मस्जिदखौ बन्द खालामनाय जाबाय। गं 120 निफ्राय बांसिन जायगाफोर आरो फंसथानफोरखौ खना-खनला सिग्रोमनाय जादों। सा 200 निफ्राय बांसिन उतखारिखौ सिनायथिनानै हादतनिफ्राय बायजोयाव होखार हरनो थियारिबो खालामनाय जादों। फ्रान्सनि बेबादि बिजिरनायखौ लानानै मुलुगनि माखासे मुस्लिम हादतफोरा गिखांदों। हादतबादखौ रैखाथि खालामनो थाखाय उतखारिफोरनि हेंथायै फ्रान्सनि बे दावहा नांनयाव भारतजों लोगोसे माखासे हादतफोरा लोगो लादों।

माइग्रेशन पलिसिखौ हेंथा होनायाव ट्राम्पनि बेरेखायै धर्ना होदों

तिजुआना, 1 नभेम्बर: मेक्सिकयाव आमेरिकानि हादतगिरि डनाल्ड ट्राम्पनि हेंथायै धर्ना होदों। बे समाव धर्ना होराफोरा आमेरिकानि हादतगिरि डनाल्ड ट्राम्पनि मुसुखाखौ सावदों। धर्ना होराफोरा हादतगिरि डनाल्ड ट्राम्पनि माइग्रेशन पलिसिनि हेंथायै रागा जोंनायखौ फोरमायनाय आमेरिकानि सुबुंफोरखौ हादतगिरि बिसायख थियाव बे पलिसिनि हेंथायै भट होनो आर'ज गाबदों। गुबुन राइज्योनि मावसुमाफोरा तिजुआनानिफ्राय लैथोमा बोरिमासिम धर्ना होदों। बे समाव धर्ना होराफोरा बुंदों हादतगिरि ट्राम्पनि सिमानि नेम-खांथिखौ रावबो



जाबसिन्दोंदि, आयेननि बेरेखा माइग्रेशननि गेजेरजों जिनाहारि खालामग्रा आरो बुथारग्राफोरा आमेरिकयाव थाफेनो नाजायो। ट्राम्पनि बेबादि थांखि लानाया मेक्सिकयाव थोंजों गोहोम गोरलैगोन। दरनै हादतफोरनि गेजेराव सिमानि अवाल बानायनायनि सायाव ट्राम्पआ मेक्सिकनि हादतगिरि एन्ड्रेस मेनुएल लपेज एब्रेडरनि फंसेबो बाश्राखौ खोनासडाखै। थानाय समाव मेक्सिकनि सासे सुबुंखौ तिजुआना सैन डिप्ट सिमाखौ बारनो नाजानाय समाव आमेरिकानि फर्सनि गेजेरजों गावथारनाय जादोंमोन। बेनि उ ननिफ्रायनो मेक्सिकनि सुबुंफोरा गोबां रागा जोंदों।

जबसिन्दोंदि, आयेननि बेरेखा माइग्रेशननि गेजेरजों जिनाहारि खालामग्रा आरो बुथारग्राफोरा आमेरिकयाव थाफेनो नाजायो। ट्राम्पनि बेबादि थांखि लानाया मेक्सिकयाव थोंजों गोहोम गोरलैगोन। दरनै हादतफोरनि गेजेराव सिमानि अवाल बानायनायनि सायाव ट्राम्पआ मेक्सिकनि हादतगिरि एन्ड्रेस मेनुएल लपेज एब्रेडरनि फंसेबो बाश्राखौ खोनासडाखै। थानाय समाव मेक्सिकनि सासे सुबुंखौ तिजुआना सैन डिप्ट सिमाखौ बारनो नाजानाय समाव आमेरिकानि फर्सनि गेजेरजों गावथारनाय जादोंमोन। बेनि उ ननिफ्रायनो मेक्सिकनि सुबुंफोरा गोबां रागा जोंदों।

इंलेन्डआव करनानि जाहोनाव फ्रि 2 डिसेम्बरसिम लकडाउन फोसावदों

लन्डन, 1 नभेम्बर: गाहाय मन्थि बरिस जन्सनआ इंलेन्डयाव 2 डिसेम्बरसिमनि थाखाय लकडाउन फोसावदों। बियो जर'खाफोरनि बुनायाव बेबादि थांखिखौ लादों। जरखाफोरा बुंदोंमोनदि, जुदि करना भाइरासखौ गोखोडै होवथायब्ला डिसेम्बराव बे इनफेक्सनजों थैनाया गोबां बांनो हागौ। इंलेन्डयाव करनानि केसआ 10 लाखनिफ्राय बांसिन जाबाय। गाहाय मन्थि बरिस



जन्सनआ इनफेक्सनखौ बिथा खालामनायनि सायाव ब्रिटेननि थाखाय मोनसे होबथानाय नेम-खांथि फोसावदोंमोन। नाथाय बिगियानगिरिआ बुंदोंमोन बेबादिया थोजासे नडा। गोदान लकडाउननि समाव गोनांथि नडे फालांगिखौ बन्द खालामनो बाश्रा बुंदों, सुबुंफोरखौ न'यावनो थानो थाखाय बाश्रा बुनाय जादों। नाथाय स्कुल आरो इउनिभार्सिटीआ खुलायै थागोन। ब्रिटेनयाव सानसेयाव 20,000 निफ्राय बांसिन गोदान

करनानि केस मोन्दों। नैथि लकडाउनखौ इंलेन्डनि थाखाय फोसावनाय जादों, जाय इउनाइटेड किंगडमनि बयनिखुइबो देरसिन आरो बयनिखुइबो बांसिन सुबुंफोर थानाय ओन्सोल। वेल्स, स्कटलेन्ड आरो सा आयायलेन्डयाव गिबिनिफ्रायनो गोखों लकडाउनखौ गनायथि होनाय जादों। स्कटलेन्ड आरो इंलेन्डनि गेजेराव दावबाय लायनायनिफ्राय जानगाराव थानो बोसोन होनाय जादों।

गाहाय मन्थि मदिआ बिहाराव रेलि खालामदों

छपरा, 1 नभेम्बर: गाहाय मन्थि नरेन्द्र मदिआ दिने फिन सानसेनि बिसायख थि फोसावदि खालामनो बिहारायाव दावबायहैदों। छपरानिफ्राय बियो रेलि खालामनायखौ जागायजेदों। गाहाय मन्थि मदिआ बेवहाय आरजेडि-कंग्रेस जुथाय पार्टिनि गोजाम सरकारनि सायाव गोखोडै थांखिदों आरो गोबां भट होनायै एनडिए बिजाथिफोरखौ देरहा होनो थाखाय बाश्रा बुंदों। बे समाव गाहाय मन्थि मदिआ जंगलराजनि बाश्रा बुनायै आरजेडिनि सायाव थांखिदों। गाहाय मन्थिया बुंदों गिबि खेव भट होरा लाइमोनफोरा गावसोरनि बिमानाव बै समनि सल'नि सोमोन्दै सोंथि सोंनांगौ। आगुनि समाव बिमाया 6.00 रिगानि उनाव बुडोमोनदि न'याव थाव फेफिन फिसा, नडाबा लकडसुंघवा'या फेगोन। बिहारायाव मोनसे समाव खवनायै लानाय उद्यगआ गोबां देरदों-लावदोंमोन। गावहा फोथायनाय देदि, लाइमोनफोरा बिहारखौ बेमार जानायनिफ्राय फिन रैखाथि होगोन। छपरा रेलिखौ सोमोन्दो लानानै गाहाय मन्थि तेजस्वी यादव आरो राहुल गान्धीनि सायाव गोखोडै थांखिदों। दिने बिहारायाव फारसेथि डबल इन्जिन सरकार दंवा, गुबुन फारसेथिजाय डबल-डबल युवराज दं आरो सासे जंगलराजनि युवराजबो दं। डबल इन्जिन थानाय एनडिए सरकारआ बिहारनि जोगाखानायनि थाखाय हाबाफोरि मावथारदों आरो डबल-डबल युवराजआ गाव गावनि लाइमोनफोर गाव गावनावनो सोंथि सोंनांगौदि, गिदि बिथांखि, जाय बिहारनि थाखाय गोनांथारमोन, बेयो मानो गोबाव बोसोरसिम थाबथाना थाया? बिहारनाव बै समाव गोहोबो दंमोन आरो सरकारनाव थोजासे बिबानि फेसाबो दंमोन। थानाय फरागथिया जादोंमोन, बिहारायाव बै समाव जंगलराज दंमोन।

एयार इन्डियाआ गं 3 हेफाजाबगिरि कम्पानि-फोराव गोदान गाहाय बिबानगिरिखौ थिसन्दों

गोदान दिल्ली, 1 नभेम्बर: माहारियारि कम्पानिफोराव गोदान गाहायफोरखौ थिसन्दों। एयार इन्डियाआ गावनि हारिमायारि हेफाजाब होरा कम्पानि एयार इन्डिया एक्सप्रेसयाव आलक सिंखौ गाहाय बिबानगिरि महरै थिसन्दों। बेनि अनगायै दीपक खुल्लरखौ एयार इन्डियाखौ हेफाजाबगिरि हटेल कर्परेस अफ इन्डिया (एचसिआइ) नि सिइअनि महराव थिसन्दों एचसिआइखौ सेन्सुआर हटेल्सखौ सामलायनायनि थाखाय मोनथिनो मोन्नाय जादों। बेनि अनगायै एयार इन्डियानि बिथोनगिरि हरप्रीत



ए.डि. सिंआ इयुनि बिथोन होजासिम एलायेन्स एयार एबिएसन लिमिटेडयाव सिइअनि बिबानखौ सामलायगोन। बिखौ इडि, प्लाट जेप्टिनि बिबानगिरि महरैबो थिसन्नाय जागोन। प्लाट सेप्टी केसनि जिएम

केप्टेन निबेदिता भसिनआ इयुनि बिथोन होजासिम गावनि गथायनाय बिबाननि अनगायै इडि, प्लाट सेप्टिनि बिबानखौ सामलायगोन। एयार इन्डियाआ एयार इन्डिया एयारपर्ट सांभिसेज लिमिटेड (एआइएएसएल)नि सिइअ

केप्टेन अश्विनी शर्माखौबो गोदान बिबानयाव थिसन्नाय जादों। एआइएएसएलखौ एयार इन्डिया एयारपर्ट सांभिसेजनि गेजेरजों गासैबो ग्राउन्ड हेन्डलि सिबिथायफोरखौ जगायना होनाय थांखिजों दाफुनाय जादोंमोन।

“मानै सिखि, बारसे बिबार”

(□ 2 बिलाइनिफ्राय) बारा बारा। दसेनि उनाव गयो। नमिताया माब्ला न' मोनहैनायै लाइजामखौ फरायनो मोनगोन जादों बियो दिने लोगोफोरखौनो बावगोमालादों। बियो न'आव बिजाब दोनस्लाब लायाखैसै सिगां लाइजामखौसो नायग्रोयो। लाइजामखौ फरायखानानै बियो जोबोर गोजोन्नाय मोनदों। बियो गावखौनो सोरगोआवना फातालाव दं आन्दास गैया। बिबदिनो नमितायाबो तेमनानो फिन हरफिनबाय तेमनायाबो दिने जोबोर दुगा। बिसोरनि मोजं मोनलायनाया जुजायनि अरखि बायदि दुफु-दुफु खामलादों। दिने तेमनाया नमितायाबो तेमनानि सेराव थानो मोनाब्ला सुखुआ मोनग्रा जाबाय। नाथाय दिने नमिताजों तेमनाया जों मोजं मोनलाइदोंब्लाबो नमितानि गांनयाखौ तेमनाया सुफुनो हायाखै। फुजा गान सिनिमा, मिथि-दावथें जेरावबो जरा-जरा बिसोर सानैआ जुदि बिसोरनि मोजं मोनलायनायखौ सोरबा हेंथा होयोब्ला जे बिसोर थैलायगोन। दिने बिसोरनि मोजं मोनलाइनायखौ मा बुंनो बुहुमावनो गैया। ओजों हाया बुन्दुरामाबो नमिताखौ सिंजों सिं जोबोत मोजं मोनखुमानानै दड। बुंनो हायैआवसो दड। नुनायाव नमिताया प्रिति जिन्ता बायदि। संप्राफ्रा नुयोब्ला जायो सिन्था मोननो लुबैनायै। बुन्दुरामाबो नुनायाव फिल्मनि एक्टर अर्जुन रामफल बायदि नुयो। दिने बुन्दुरामा नमितानि थाखाय फाग्ला जाबाय। हरबाय बिबो लाइजाम नमितानि हिन्जावफोरनि गोसो मोदायाबो हमनो हाया। बियो थार मोजं मोनबाय बुन्दुरामखौबो सानसे खालि तेमना मोननि गामियाव नमिद बिदानि हाबा बे हाबायाव नमिताया बुन्दुरामजों खोमसि खानायाव माबा रायज्जलायखुमानायाखौ तेमनाया नुदों जाहोनाव तेमनाया रागा। नमिताया तेमनाया गारहां-गारहां जाबाय दानिया नमिताआसो जाबाय सानैनिबो सुथुर। नमिताआ बुन्दुरामजों लोगो जाब्ला तेमनाया रागा जोडो आरो तेमनाजों लोगो जायोब्ला बुन्दुरामा रागा जोडो। जाबाय दिने तेमनाया जौ फाग्ला गोदाव सोराव। बे जोनोमाव जौनि एम्फौ। मदाफि बुन्दुरामा नमिताजों दाय खालामना खारबाय दिने नमिताया बेकार। बियो बै लैथोआव गंनै नाव जावदोंमोन। जायनो नायनो फेयो बेनो नमिताखौ बांसिनानै गालाडो। तेमनाया लाभनि केन्सार बेरामाव हाबानानै दिने जौनि एम्फौ। नमिताया मानसिफोरनि बांसिनायाव लाजि मोनानै फासि नांनो थैयो।

14 नभेम्बरनिफ्राय एएमइउयाव कभिड-19 भेक्सिनखौ ट्रायेल खालामनाय जागोन

आलिगड, 1 नभेम्बर: आलिगड मुस्लिम इउनिभार्सिटी (एएमइउ) मेडिकल कलेजयाव क-भेक्सिनखौ क्लिनिके ल ट्रायेलयाव बाहागो लानो थाखाय 1 हजार भलन्टियारखौ खवलाय हरनाय जादों। बे ट्रायेलआव 14 नभेम्बरनिफ्राय जागायजेन्नाय 2021 नि जानुवारीसिम सोलिगोन। एएमइउनि जवाहरलाल नेहरु मेडिकल कलेज (जेएनएमसि) याव क्लिनिके ल ट्रायेल नायनायनि थांखिया हाइड्राबादायाव थानाय भारत बायटे कनि सामलायनाय



कभिड-19 भेक्सिनखौ रैखाथियै आरो गोहोम गोनाडै नायबिजिरनाय। एएमइउनि भाइस सेन्सेलर आ बुंदों जेएनएमसिआ इन्डियान काउन्सिल अफ मेडिकल रिसर्च (आइसिएएमआर) निफ्राय गनायथि लानायनि

आरो संदानायाव गोसो जानानै बाहागो लाना फाहामथायनि मोजं थांखि लानायाव बिहोमा होनो हागोन। बेवहाय हादतनि सुबुंफोरखौ खवलायहरनाय जादों। जाहाथे भेक्सिननि गेजेरजों इनफेक्सनखौ फोजोबनायाव मदद मोन्तो हायो। जेएनएमसिनि प्रिन्सिपालआ बुंदों क्लिनिके ल ट्रायेलखौ सामलायनायनि थाखाय डाक्टरफोर, समाजारि मावसुमाफोर आरो उकिलफोरनि मोनसे समितिखौ दाफुदों। गिबिनि क्लिनिके ल ट्रायेलसयाव भाइरासनि हेंथायै एन्टिबडि दिहुन्थायखौ नोजोर होनाय जागोन, जेराव बेनि उनाव खोलोब हिसाबै आन्जाद नायनायाव नायबिजिरनाय जागोनदि भेक्सिनआ सुबुंफोरखौ रैखाथि होगोन ना होया। जेएनएमसिआ कभिड-19 बेरामनि फाहामथायनि थाखाय आगस्टनिफ्राय प्लात्मा थैरेपीबो खालामदों।

आमेरिकायाव कभिड-19 जों 2.30 लाख सुबुंफोरनि जिउया गोमादों

गोदान दिल्ली, 1 नभेम्बर: मुलुगयारि इनफेक्सन करना भाइरासजों गोथेयो बुगिनाय आमेरिकायाव बे इनफेक्सनजों 2.30 लाखनिफ्राय बांसिन सुबुंफोरनि जिउया गोमाखांवाय। आमेरिकायाव बे इनफेक्सना गिखंथाव जादों आरो दासिमाव 91 लाखनिफ्राय बांसिन सुबुंफोरनाव इनफेक्सन जाखांवाय। करना

इनफेक्सनजों निउयकंयाव सा 33,511, निउ जासियाव सा 16,350, केलिफर्नियाआव सा 17,656, टेक्सासयाव सा 18,464, प्तरिडयाव सा 16,761, मैसाचुसेट-इलिनयसयाव सा 10 हजार आरो पेन्सिल्वेनियाआव सा 8 हजारनिफ्राय बांसिन सुबुंफोरनि जिउया गोमादों।

भारतनि आइजो हकि हान्जायाव अलिम्पिकआव गोख्रों गेलेनो थाखाय थियारि: उदिता

बेंगलुरु, 1 नभेम्बर: भारतनि आइजो हकि हान्जानि गेलेगिरि उदिताया दासान्दि गावनि गेलेनाय केरियाखौ मुलुगनां थाखौनि फोथायाव गोख्रोंडे लांगासिनो दं। बेनि गेजेराव गेलेमुनि देरसिन बादायलायनाय फेगौ अलिम्पिक गेम्सनि थाखाय क्वालिफाइट जानो हानायखौ नोजोर होनानै गेलेगिरि उदिताया बुडोदि, फेगौ बोसोराव जापाननि राजश्यावनि टकिय' सहराव खुंजानो गोनां अलिम्पिक गेम्सयाव गोख्रों गेलेनो थाखाय हान्जाया थियारि जादों। उदिताया बुंबावोदि, गेजेराव माखासे दान थाबावनायनि गेजेरावो हान्जाया गेलेनायखौ गोख्रोंसिन खालामगोन आरौ अलिम्पिकआव जेरैखि जाया मेडेल देरहानो नाजागोन होनानै बुडो। गेलेगिरि उदिताया बुंबावोदि, हान्जानि आरौ आनि थाखाय फेगौ माखासे दानफोरव गेलेनाया जोबोद गोनांथार आरौ जौं जौं गेलेनायखौ साबसिन फोसाबना लानो हानायनि मोजां खाबु दं। गावनि फोरोंथाय होग्रा



कच आरौ सिनियर थाखौनि गेलेगिरिफोरजौं बे बिथिडाव फोनांजाब खालामनाय बाश्राखौ रायखानानै उदिताया बुंबावोदि, आं गावखौनो हान्जानि जानानै फरवाड महैर गोख्रों गेलेगिरि महैर दिन्थिनो थानायाव गोबां नाजागासिनो दं। आं मुलुगनां थाखौनि गेलेनाय दासिम मिजिथिजानाय बायदि गेलेनो हानायखौ दिन्थिनो हायाखैब्लाबो सम थानायावनो आं गेलेनायखौ फोसाबना

लागोन होनानै गेलेगिरिया फोसमायो आरौ भारतनि आइजो हकि हान्जायाव गेलेनो मोन्नायखौ खाफाल गोनां होनानै बुंबावो। दासान्दि कभिड-19 नि जाहोनाव भारतनि आइजो हान्जाजौं लोगोसे मुलुगनि गासैबो हकि हान्जानि गेलेनाया बन्द' जानानै थाय 'नायनि जाहोनाव फेगौ अलिम्पिक गेम्सखौ नोजोर होनानै भारतनि हान्जाया फोरोंथाय बादायाव

प्रे क्विटस खालामनायखौ फारियै सोलिहोगासिनो दं। हान्जाया अलिम्पिक गेम्सआव जेरैखि जाया मेडेल देरहानो थांखिजौं मुलुगनि जायखि जाया गोख्रों गेलेगिरिजौं जुजिनो एबा फेर फाथिनो थाखाय थियारि जानाय बाश्राखौ गेलेगिरि उदिताया फोरमायो।

सानराइजार्स हाइद्राबादआ 5 उइकेटआव बेंगालर हान्जाखौ फेजेन्दों

डुबाइ, 1 नभेम्बर: हादतनि बाइजोयाव दासान्दि फारियै सोलिबाय थानाय 13 थि सिजन इन्डियान प्रिमियर लीग सुंद'यै आइपिएलनि थानाय हरनि समाव गेलेनाय गुबुन मोनसे मेचखौ भिरत कहलीनि हान्जा दैदेनाय रयेल सेलेन्जार्स बेंगालर आरौ डेभिड वार्नरनि दैदेनाय सानराइजार्स हाइद्राबाद हान्जानि गेजेराव गेलेयो। बे गेलेनाय मेचखौ सानराइजार्स हाइद्राबादआ 5 उइकेटआव बेंगालर हान्जाखौ गोरलैयैनो फेजेन्दों हादों। मख'नो गोनांदि, बे गेलेनाय गोनां मेचखौ बेंगालर हान्जाया 20 अभावाव मोन 7 उइकेट खोमाना गासै 120 रननि टारोखौ बेरेखा हान्जानो होनो हादोंमोन। बे रननि फिन्नायाव हाइद्राबाद हान्जाया गोख्रों गेलेनाय थांखि बायदियै मोन 5 उइकेट खोमाना गासै 14.1 अभावाव टारोखौ बारनो हायो। अदेबानि बे मेचखौ 5 उइकेटआव हाइद्राबाद हान्जाया देरहानो हायो। बे मेचआव



हाइद्राबादनि जानानै फिन खेबसेबाव रिडिमान साहआ 32 बलाव 39 रनखौ खालामनो हानायजौं हान्जानि देरहानायाव गोनांथार बिहोमा होनो हायो। बेजौं लोगोसे हान्जानि गुबुन सासेबाव गेलेगिरि मनिस पान्डेआ 22 रनखौ खालामनो हाबावदों। मिथिनाय बायदिब्ला सोलिफु 13 थि सिजननि आइपिएलनि गेलेनायाव बेंगालर हान्जाया एसे-एसेल' रान खालामनो हानायखौ नुनो मोन्दों। भिरत कहली बायदि

मुलुगनि गोख्रों गेलेगिरिनि गेलेनायावबो हान्जाया आइपिएलनि मेचफोरव एसे-एसेल' रान खालामनायखौ नुनो मोन्दों। बेंगालरनि जानानै पिलिपआ 32 रनखौ खालामनो हानायजौं लोगोसे हान्जानि उइकेट क्वालिफाइटआ 24 रनखौ खालामनो हानायनि सोलाय हान्जानि गुबुन गेलेगिरिफोरा रान खालामनो हानायनिफ्राय फेलें जायो। जायनि जाहोनाव भिरत कहलीनि दैदेनाय रयेल

सेलेन्जार्स बेंगालरआ बे मेचखौ जेन्दोंब्लाबो बेंगालर हान्जाया पइन्टनि फारिलायाव दासिम 3 थि जायगा लानानै दं। जुदि फेगौ मेचफोरखौ देरहानो हायाब्ला पइन्टनि फारिलायाव गाहाय सारियाव फेगोन एबा प्ले अफ राउन्डयाव सहेनो हानायनि फारसे गोश्राव जागोन। भिरत कहलीआ दासिम आइपिएलनि गेलेनायाव मोनसबो टूफाखौ देरहानो हायाखै।

जार्मानियाआव अजय जयराम, सुभांकरनि क्वारेन्टाइनयाव थानाय खरसाखौ साइआ मदत होगोन

गोदान दिल्ली, 1 नभेम्बर: स्पर्टस अट'रिटी अफ इन्डिया सुंद'यै साइआ मैया मोनसे सुलुडाव मिथिहोनाय बायदिब्ला जार्मानियाआव दासान्दि क्वारेन्टाइनआव थानांनय हादतनि गेलेगिरि अजय जयराम आरौ सुभांकर देनि रं ख'रस जानायखौ मदत होगोन। बिसोर सानै भारतनि बेडमिन्टन गेलेगिरिनि देहायाव टेस्ट खालामनायनि गेजेरावो कभिड-19 पजिटीभ रिपर्ट फेनाय लोगो-लोगो अजय जयराम आरौ सुभांकर देखौ क्वारेन्टाइनआव लाखिनाय जादों। साइनि फारसेनिफ्राय मिथिहोनाय बायदिब्ला थानाय 30 अक्ट'बरनिफ्राय फेगौ 10 नभेम्बरसिम अजय जयराम आरौ सुभांकर देआ कभिड पजिटीभ मोन्नायनि जाहोनाव क्वारेन्टाइनआव थानांगोन आरौ बे क्वारेन्टाइननि रं ख'रसाखौ साइनिफ्राय होनाय जागोन। साइआ बुंबावोदि, साइआ बिसोर सानैनि गंसे हटेलआव थानाय, जानाय खरसानि थाखाय 1.46 लाख रंखौ हरनाय जागोन। मख'नो गोनांदि, हादतनि मिजिथिजानाय



बेडमिन्टन गेलेगिरि अजय जयराम, सुभांकर दे आरौ लक्ष्मीय सेनआ कभिडजौं सन्देरजानायनि जाहोनाव बेडमिन्टन टूर्नामेन्टआव गावसोरनि गेलेगोननि मुंखौ बोखाना लाफिनो गोनां जादों। वर्ल्ड बेडमिन्टन फेडरसनआ मैया मोनसे सुलुडाव रोखा खालामनाय बायदिब्ला भारतनि अजय जयराम आरौ सुभांकरआ फेगौ समनि मेचआव बाहागो लानो खाबु मोन्नाय नडा। मिथिनाय बायदिब्ला जयरामआ टूर्नामेन्टआव मोनसे मेचखौ गेलेखौबायमोन। अदेबानि 2 राउन्डनि मेचखौ गेलेगिरि मेक्सनि हेंथायै मोगा-मोगि गेलेनायनि थियारि जानायनि सिगांनो कभिडजौं सन्देरजानाय रिपर्टआ बायजोयाव ओंखारो।

एरैहाय सुभांकर आरौ लक्ष्मीय टूर्नामेन्टनि गिबि राउन्डनि मेचखौ गेलेयालासेनो देरहानायनि गनायथिखौ मोनो हानायजौं थौंजोडे 2 राउन्डयाव सहेनानै दंमोन। दासान्दि क्वारेन्टाइन सेन्ट्राव थानांनानै समखौ बारहोहरनायनि गेजेरावो गेलेगिरि जयरामआ मदत खालामनो फोसावनाय बायदियै साइआ रं ख'रसा मदत होगोन होनानै फोसावो। सुभांकर देआबो टुइटारनि गेजेराजौं बिबानगिरिफोरनिसिम गावसोरखौ मदत खालामनांनानै फोसावो। दासान्दि साइआ बिसोर सानैखौ रंखायि मदत होनो थाखाय फोसावनाय जादों लोगोसे बिसोरनि टूर्नामेन्टआव गेलेनाय सिमांआ फेलेंबो जानादों।

लन्डन, 1 नभेम्बर: मुलुगनि गेजेराव क्लबफोरनि गुबुन मोनसे मिथिसार जानाय फुटबल लीग इलिस प्रिमियर लीगनि मेच गेलेनाया दासान्दि हान्जाफोरनि गेजेराव सोलिबाय थानाय नुनो मोन्दों। बे सिजननि प्रिमियर लीगयाव गोख्रोंसिन गेलेनो हानाय क्लबफोरनि देरहानायजौं पइन्टनि फारिलायाव आवगायनायखौबो नुनो मोन्दों। प्रिमियर लीगनि थानाय हरनि समाव गेलेनाय गुबुन मोनसे गोनां मेचखौ वल्भस आरौ क्रिस्टल पेलेस क्लबनि गेजेराव गोख्रों मोगा-मोगि गेलेनाय जायो। अदेबानि बे गेलेनाय मेचखौ वल्भस क्लबआ 2-0 गलाव क्रिस्टल पेलेसनि हेंथायै गोब्राबजौं फेजेन्दों हायो। मिथिनाय बायदिब्ला गेलेनायनि सिगां समाव वल्भस क्लबनि गेलेनाया गोख्रोंसिन जानायजौं 18 मिनिटयाव गेलेगिरि रियानआ गिबि गलखौ होनो हानानै हान्जाया 1-0 गलजौं आवगायो। बे मेचआव हान्जानि जानानै गल होनो हानाय रियानआ प्रिमियर लीगआव गावनि गेलेनाय केरियारयाव गिबि खेब गल होनो हाजेन्नाय प्रिमियर



लीगनि बयनिखुइबो लाइमोन गेलेगिरि जानो हादों। बेनि उनाव गलनि आवगिनायजौं वल्भसनि गेलेनाया आरौबाव गोख्रोंसिन जानायजौं 27 मिनिटआव पर्टुगालसनि

गेलेगिरि डेनिपलआ 2 थि गलखौ होनो हानायजौं हान्जाया 2-0 गलआव आवगायनो हायो। फारसेथिं वल्भसनि गल आवगिनायखौ नोजोर होनानै क्रिस्टल

पेलेसआ गल होनो एबा सुख'फिनो थांखिजौं गोबां नाजानानै गेलेसेयावबो गल होनो हानायनिफ्राय फेलें जायो। बे मेचखौ देरहानो हानायजौं वल्भस क्लबआ

पइन्टनि फारिलायाव 13 पइन्टखौ आवगिनाय हानायजौं 3 थि सारियाव सहेनो हायो। फारसेथिं मेचखौ जेनायनि उनाव क्रिस्टल पेलेसआ बे सिजननि प्रिमियर लीगआव मोन 7 मेच गेलेनायाव गासै 10 पइन्टजौं 9 थि सारियावसो जायगा लानांनो। दासान्दि प्रिमियर लीगनि गेलेनाया अन्सायारिफोर गैयालासेनो गुबुन गुबुन हान्जाफोरनि गेजेराव सोलिबाय थानायखौ नुनो मोन्दों। कभिड-19 नि जाहोनाव प्रिमियर लीगनि गेलेनायखौ गोख्रों नेमखांथि आजावना लानांनय खुंनयनि गेजेराव माखासे गेलेगिरिफोरनि देहायाव कभिड सन्देरनायखौबो सम-सम मिथिनो मोन्दों।

बक्सर अमित पांगाल, सन्जिदआ फ्रान्सआव सनानि मेडेल देरहादों

गोदान दिल्ली, 1 नभेम्बर: वर्ल्ड सेम्पियनसिफनि रुपानि मेडेल देरहानाय भारतनि गोहोगोय बक्सर अमित पांगाल आरौ सन्जिदआ कभिड-19 नि गेजेराव दासान्दि गिबि खेब जागायजेन्नाय बक्सिं बादायलायनायाव सनानि मेडेलखौ देरहानो हानायवाव जाफुसारदों। भारतनि बिसोर सानै बक्सिं गेलेगिरिया फ्रान्सनि नानटेसआव सोलिबाय थानाय अलेकिस वेस्टाइन इन्टर्नेसेनेल बक्सिं टूर्नामेन्टआव सनानि मेडेलखौ देरहानो हानायजौं गावसिफि बादायनायखौ अलिम्पिक गेम्सनि सिगां गोख्रोंडे दिन्थिनो हादों। मोनसे वेबसाइटनि सुलुडा फोरमायनाय बायदिब्ला एसियान सेम्पियन आरौ कमनवेल्थ गेम्सआव रुपानि मेडेल देरहानाय अमित पांगालआ थानाय शुक्रबारखालि

गेलेनाय टूर्नामेन्टआव आमेरिकानि बक्सर रेने अब्राहमखौ 3-0 मेच पइन्टआव फेजेन्दों हादोंमोन। बेजौं लोगोसे इन्डियान अपेन बक्सिं टूर्नामेन्टआव सनानि मेडेल देरहानाय सन्जिदआ फ्रान्सनि बक्सर सहेब बुपियाखौ फेजेन्दो हादोंमोन। भारतनि थाखाय सनानि मेडेल देरहानायनि उनाव अमित पांगालआ सुलुडाव जोबोद गोजेन्नाय फोरमायो। लोगोसे गावनि मेडेल देरहानायखौ कच अनिल दनकरनो बावसोमनाय बाश्राखौ फोरमायोदों। अमितआ बुजेदि, फेगौ टकिय अलिम्पिक गेम्ससिम कच अनिल दनकारआ फोरोंथाय होनाय बिबानखौ सोलिहोबाय थानांगौ। थानाय डिसेम्बर दानाव अमित पांगालआ भारतनि बक्सिं फेडरसननिसिम अनिलखौ कच महैर खालामनो

खावलायदोंमोन। नाथाय बेनि खावलायनायखौ भारतनि बक्सिं फेडरसनआ नेवसिगारनाय जायो। बेनि गेजेरावो अनिल

आफादआ गावनि खावलायनाय एबा दाबि खालामनायखौ नोजोर होनानै थाबैनो अनिल दनकरखौ कच मासियाव लाबोगोन।



दनकारनि फोरोंथाय होनायाव अमित पांगालआ फ्रान्सआव जानाय बक्सिं टूर्नामेन्टआव सनानि मेडेलखौ देरहानो हानायवाव जाफुसारनायजौं बे मेडेल देरहानायखौ गावनि कचनो बावसोमनाय बाश्राखौ फोरमायोदों। अमितआ मिजिथियोदि, भारतनि गेलेमु

फारसेथिं रुपानि मेडेल देरहानाय आसिस कुमारआ गावनि जोखोम जानायनि थाखाय बे टूर्नामेन्टआव गेलेनो हायाखिसै। बेनि अनगायैबो एसियान गेम्सआव रुपानि मेडेल देरहानाय कबिन्दर बिस्टआ 57 केजिनि गेलेनायाव रुपानि मेडेलजौंनो गोजेनो गोनां जायो।

डिभिज चरन, रहन बप्पानाया आस्टाना अपेननिफ्राय ओंखारनांबाय

नुर-सुल्तान, 1 नभेम्बर: भारतनि सानै गोख्रों टेनिस गेलेगिरि डिभिज चरन आरौ रहन बप्पानाया दासान्दि सोलिबाय थानाय बोसोरनि गुबुन मोनसे टेनिस टूर्नामेन्ट आस्टाना अपेननिफ्राय जेन्नानै ओंखारनांबाय। भारतनि लाइमोन गेलेगिरि डिभिज चरनआ आस्टाना अपेननि गेलेनायाव ब्रिटेइनि गेलेगिरि ल्यक बमब्रिजजौं लोसेयै डबल्सआव क्वार्टार फाइनल मेचखौ जेनाडे। भारत आरौ ब्रिटेइनि डबल्स गेलेगिरि डिभिज आरौ



ल्यकआ क्वार्टार फाइनल मेचखौ अप्टेलियानि डबल्स गेलेगिरि मेक्स पार्सेल आरौ सेभिलेनि आखायाव गासै 6-3, 7-45 सेट पइन्टआव जेनो गोनां जायो। अदेबानि बे मेचखौ जेन्नाय लोगो-लोगो भारतनि डिभिज चरननि देरहानो थांखि

लानाय सिमाड एसेयावनो फेलें जायो। गुबुन फारसेथिं हादतनि जाफुसार आरौ सिनियर गेलेगिरि रहन बप्पानाया गेलेगिरि प्रेडिक्टिक् निलसनजौं लोगोसेयै गेलेनायाव टूर्नामेन्टनि गोनां मेचखौ उरुगवे-बसिनियानि गेलेगिरि हेंथायै गासै 6-7 (5), 7-6 (3) 10-5 सेट पइन्टआव गोब्राबजौं जेनो गोनां जायो। मख'नो गोनांदि, कभिड-19 नि जाहोनाव थानाय माखासे दानसिम टेनिस गेलेमुनि बादायलायनायफोरा बन्द'

जानानै थानायनि उनाव गुबुन गेलेमुनि बादायलायनायफोरखौ लाबोफिन्नाय बायदिनो टेनिस गेलेनायावो दासान्दि लासै-लासै जागायजेनिफिन्नायखौ नुनो मोन्दों। नाथाय माखासे दाननि उनाव जागायजेनिफिन्नाय आस्टाना अपेन टेनिस टूर्नामेन्टनि टूफा देरहानो थांखि लानायवाव फेलें जादों भारतनि सानै डबल्स गेलेगिरिया। फेगौ समाव फिन गोख्रों गेलेफिनो बाश्रा होदों भारतनि सानै डबल्स गेलेगिरिया।